

Unit Narcotica a confisca hopi placa y droga fin di siman ultimo



Pagina 2

- Inversionistanan di Acqua Condominium no ta compronde pakico gobierno no ta interveni

Pagina 3

- A kita 580mil florin for di subsidio di salario di directivanan di scol

Pagina 4

- Wever-Croes y Jacobs, pero no Pisas, bayendo ONU cu delegacion di Reino

Pagina 8

Pagina 17



Kuss ta converti den prome Mericano pa gana un careda di Grand Tour den un decada

Empleado di Ministerio di Defensa Hulandes deteni pa bende piesa di avion pa Rusia



Pagina 9

Pagina 10



Cocaina cerca di supera petroleo como producto principal di exportacion di Colombia

TAKE OFF + CASH BACK

TA BEK PA TEMPO LIMITA



- Pago mensual cu ta fit bo presupuesto
- Haya 1% Cash Back* riba e balor di bo auto
- Participa pa gana 10% Cash Back y hopi mas



SCAN Y PRE-APLICA
*CONDICIONAN APLICABEL

Unit Narcotica a confisca hopi placa y droga fin di siman ultimo

Mediante un comunicado di prensa, diasabra ultimo Cuerpo di Polis a informa cu Unit Narcotica ta continua combatiendo criminalidad riba nos isla na unda cu den un investigacion nan a haya un cantidad grandi di droga, di placa y a demas nan a detene dos persona relaciona cu esaki.

Diabierna for di den oranan di marduga Unit Narcotica ta riba pia en conexion cu un otro investigacion grandi. Ta trata di un investigacion unda cu delincuenteenan a kere cu nan por trece droga Aruba, bende esaki y burla di nos Husticia pero aki ta unda cu nan a faya.

For di oranan di merdia a haci un entrada hudicial na un cas na Caya Soeur Nicephora y bao ordo di fiscal a detene e homber N.J.R.M di 24 aña di edad naci na Aruba.

E investigacion a continua y den oranan di anochi a haci un otro entrada hudicial na un cas na Bubali na unda a detene e homber M.P.T.T di 26 aña di edad



naci na Aruba.

Durante di e entrada hudicial na Bubali a bin topa un cantidad grandi di droga y placa cu a keda confisca pa mas investigacion. No ta descarta cu lo tin mas detencion.

Unit Narcotica ta un unidad di Cuerpo Policial Aruba cu oficialmente a wordo lanta 1 augustus 2023. E unidad ta investiga tur loke ta bende-mento di droga for di casnan, ariba caya, delivery, plataforma social y hasta area di hotelnan. Tambe e unidad ta investiga tur droga cu wordo intercepta pa Douane, US Customs na aeropuerto, door di ambtenaarnan di KIA y tambe tur droga encontra durante cualkier control policial.

Pa Cuerpo Policial Aruba por resolve mas caso cooperacion y informacion di pueblo di Aruba ta hopi importante, p'esey nan ta pidi pa si algun persona tin cualkier informacion, por yama nan na tiplijn di Polis cu ta 11141. Nan ta garantisa cu ta keda anonimo.

AHATA: Den Augustus a experiencia ocupacion y RevPAR reduci

Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y CEO di AHATA, Tisa LaSorte, ta anuncia cu na Augustus a experiencia un reduccion di ocupacion atrobe y tambe reduccion di RevPAR.

Augustus 2023

Ocupacion: E grado di ocupacion tabata 75%; cual ta 9% menos cu grado di ocupacion na Augustus 2022 y 13% menos cu na 2019.

ADR: E balor averahe di cada camber bendi tabata \$307.83; un aumento di 6% compara cu Augustus 2022.

RevPAR: E entrada averahe pa tur camber disponibel tabata \$231.95 cual ta un reduccion di 3% compara cu 2022. RevPAR ta e indicador di e resultado

financiero prome cu desconta gastonan operacional y impuesto.

Januari – augustus 2023:

Ocupacion: E ocupacion averahe di prome 8 luna tabata 79%; un aumento di 6% compara cu e mesun temporada na 2022. (Nota: Den prome kwartaal di 2022 Aruba su turismo tabatin efecto di COVID).

ADR: E balor averahe di cada camber bendi tabata \$351.88; cual ta 14% mas cu mesun temporada na 2022.

RevPAR: E averahe di prome 8 luna tabata \$276.63; 21% mas compara cu e mesun temporada na 2022.

Proyeccion:

Proyeccion actual pa ocupacion averahe di hotel pa September ta 68%, Oktober ta 70%, y November ta 73%. Expectativa pa ful aña 2023 su ocupacion ta 73%, cual ta representa un reduccion di 13% compara cu e averahe di aña 2019.

Timeshare:

Ocupacion na propiedadnan Timeshare tabata 81% na Augustus 2023.

Hotel miembro di AHATA: Amsterdam Manor Beach Resort, Barceló Aruba, Boardwalk Boutique Hotel, Brickell Bay Beach Club, Bucuti & Tara Beach Resort, Courtyard by Marriott, Divi & Tamarijn All-Inclusive, Eagle Aruba Resort, Embassy Suites by Hilton Aruba, Holiday Inn Resort Aruba, Hyatt Regency Aruba, Hyatt Place Aruba Airport, Manchebo Beach Resort, Marriott Aruba & Stellaris Casino, Ocean Z Hotel, Paradera Park, Radisson Blu Aruba, Rehoboth Peaceland Boutique Hotel, Renaissance Wind Creek Aruba Resort, The Ritz-Carlton Aruba, RIU Palace Aruba, RIU Palace Antillas y Talk of the Town Hotel.


Timeshare miembro di AHATA: Divi Aruba Phoenix, Divi Dutch Village, Divi Village Golf, La Cabana, Marriott Ocean Club, Marriott Surf Club, The Mill Resort.

Vacation rental miembro di AHATA: Aramis Real Estate, Aruba's Life Vacation Residences, Casiola Aruba, Cobalt Blue Residences, Ford Property Management, Turibana Plaza, Santa Lucia Landhuis, Russo Real Estate.

AHATA Revenue Per Available Room



AHATA Occupancy



Inversionistanan di Acqua Condominiun cu awor ta Hotel Radisson Blu:

“Pakico desaroyado no kier cumpli y ni gobierno ni instancianan no ta haci nada?”

E pesadiya ta continua pa Adrian, su casa Susana y otro inversionistanan: 14 aña y ainda nan no por haya e propiedad cu nan a cumpra, maske nan tin sentencia di corte di prome instancia y sentencia di HOF cu ta ratifica e decision cu Acqua Condominium mester entrega e propiedadnan cu nan a cumpra 14 aña pasa.

Manera Bon Dia Aruba ta bin denunciando for di luna di februari, na aña 2009 Adrian Bianchi y Susana Matteo, un pareha di nacionalidad Argentino, a dicidi di cumpra dos apartamento na loke tabata e proyecto di Acqua Condominium cu awor ta Hotel Radisson Blu. Pero awo tin un situacion basta desagradable ta andando cu nan. Unico cos cu nan tabata kier tabata pa bin Aruba pa pasa vakantie y hasta algun luna den apartamentonan cu nan a cumpra cu hopi ilusion den e isla mas bunita den Caribe, Aruba. Pero nan soñonan a bira un pesadiya. Un inversion di miles di dollar cu a laga nan sinti frustra, debi cu niun instancia na Aruba ta duna nan oido y tampoco ta haci nada pa nan por haya loke nan a cumpra, loke ta di nan segun ley.

Tempo ta pasa y nan no ta mira un solucion. Unico solucion cu e desaroyado, di nomber Venancio Gonzalez, a presenta na nan ta e firma di un adendum cu ta duna na e desaroyado e terenonan rond di e propiedad, y nan como doño solamente por huur por medio di Hotel Radisson Blu. Ttambe nan mester a entrega e casa club y pool cu a cobra cu 50% di e balor di e apartamentonan cu nan a paga 14 aña pasa.

Bianchi y Matteo ta un



pareha cu ta biba na Argentina, cu no tin e posibilidad di bin Aruba cada luna pa mira con na e isla aki no ta cumpli cu ley. Nan a bati na porta di diferente abogado y di diferente medio pa asina trece e inhusticia aki dilanti.

Den un combersacion reciente cu Bon Dia Aruba, nan a informa cu nan haya un oferta di compra pa asina nan por recupera nan inversion, pero esey no ta suficiente compara cu loke nan a paga cu ta casi 400.000 dollar y cu awor ta balorisa cu 700.000 dollar - segun e mesun desaroyado a señala den ultimo sentencia. Nan no por haya menos cu esey despues di warda 14 aña, y durante e tempo aki Aruba crece como isla y prijs di propiedadnan tampoco ta igual cu e aña ey.

Tin un situacion basta delicado tumando luga den esaki, unda Biamchi y Matteo ta puntra nan mes: “Con por ta posibel cu por keda sin cumpli cu un sentencia di Corte di Prome Instancia y un ratificacion di HOF, si nos no ta firma un adendum? Ken a duna e poder na e desaroyado di e proyecto aki pa no entrega nos propiedadnan maske tin dos sentencia?

Minister di Turismo, Dangui Oduber ken a sinta cu e desaroyado di e proyecto aki Venancio Gonzalez y hasta saca potret cune na 201 ta al tanto di e situacion aki y no ta duna cara na nos como inversionistanan.” Lamentablemente, manera nan a sigura varios biaha, nan no kier haya sa di Aruba mas pa motibo di e malcontento cu nan tin pa e situacion aki.

Hotel Radisson Blu ta un proyecto cu a keda bandonado pa 7 aña y tabatin como obhetivo pa ta un di e condominiosan mas luhoso den area di Palm Beach. Despues cu a haya un desaroyado, esaki a bira un hotel na aña 2021.

Mesun situacion aki ta sucediendo cu otro inversionistanan di nacionalidad Canades y otro di nacionalidad Venezolano, manera Heberto Gamero y Jose Potenza, dos persona di ken Bon Dia Aruba tambe a trece dilanti nan declaracion. Aunke Gamero si a firma e adendum pa por bende e propiedad, el a bisa “nos a dobla, nos a accede di duna poder na e desaroyado pa e bira doño di e parcelanan lateral sin pago algun, incluyendo e pool y casa club den cual lo a forma un hunta di condominio nobo pa por opera e edificio den man di Radisson Blu, pa no huur nos apartamento sino unicamente via e hotel, cu decoracion y mueblenan di e hotel. Tur esey a cambio di e propiedad. Nos kier bend’e pero nos no a logra, poco hende kier biba den un hotel, pero inversionistanan cu a muestra interes no ta di acuerdo cu e idea cu e empresa desaroyado, awor representante di e hotel, y propietario

di e mayoria di apartamento. Nan ta ofrece 43% di e huur pero gastonan di condominio y ekipamento ta calcula na 43.000 dollar cu ta bay pa e propietario, incluyendo seguro y mantencion. Esaki por trece perdida pa inversionistanan y no ta yuda den e benta di e propiedadnan, pa loke nos a pidi pa reconsidera esaki y te awor nos no a haya contesta.” Gamero a señala.


Na april di aña 2021, hotel Radisson Blu a habri su portanan. Gamero y su casa, consciente di e permisionan di habitabilidad cu concede, a dicidi di bin Aruba cu e intencion di firma e documentonan di propiedad, pero esey no tabata posibel, segun Gamero a afirma. E desaroyado a nenga di firma esaki debi cu nan no tabata acepta pa firma loke e desaroyado tabata solicita.

Gamero y su casa a keda tres luna na Aruba na unda cu nan a dicidi di bay sin e docu-

mento di propiedad. Na october di 2021 nan a haya e famoso y definitivo “adendum”, un documento igual cu esun cu nan a haya na 2020 pero mas formal. Gamero y su casa, cansa di warda asina tanto tempo pa firma y haya nan apartamentonan, a dicidi di firma e adendum aki aceptando e condicionnan cu e hotel tabata impone, como por ehemplo: huur e apartamentonan na e desaroyado so, na unda nan mester a pone tur mueblenan igual cu e hotel, sin fiha e porcentahe di huur cu Gamero mester haya cu esaki.

Di su parti, Jose Potenza ta un hende grandi di mas 80 aña di edad, ken den su soño tambe tabatin e ilusion di bin Aruba pa pasa un temporada dushi. E ta describi e situacion aki manera “un caminda di cruz.”

El a bisa cu te ainda e tin speransa pa leynan di Aruba lo wordo cumpli “mi no ta considera husto ni logico cu e hendenan aki ta bin condiciona mi pa duna mi loke ta di mi, cu e denuncia aki mi no kier dña ni un hende, mi kier mi placa bek pa mi por cumpra algo otro na Aruba pasobra mi soño ta pa mi pasa mi ultimo dianan na Aruba, mi a perde hopi aña di mi bida wardando pa esaki y mi no kier sigui haci negoshi cu Acqua tampoco, Aruba ta cay bao leynan di Hulanda pero nan no a haci nada legal ni husto cu nos, autoridadnan mester investiga Acqua y Radisson cu e casonan di nos,” el a finalisa.



A kita 580mil florin for di subsidio di salario di directivanan di scol

Recientemente durante e reunion publico di Parlamento di Aruba a trata Presupuesto Complementario 2023 di Pais Aruba. Durante su discurso, Minister di Enseñansa y Deporte, Endy Croes a contesta pregunta en conexion cu su ministerionan.

Minister Endy Croes a splica durante e reunion publico e cambionan den e presupuesto den e aspecto di enseñansa. A kita un total di AWG. 580mil for di subsidio di salario di e directivanan di scol y a aloca esaki pa otro proyectonan. A corta suma di diferente “directiva di scol”. Ademas, e suma cu tabata bay pa e scol cu e cera, tambe a usa pa e proyectonan aki. No obstante esey, e suma aki ta inclui e premie di NPR na 17.1% y despues a resulta na

final cu ta 15.7%, cual tambe a usa pa otro proyecto.

Fuera di esaki, den Presupuesto 2023 ta bin dilanti e forma cu por yuda scol cu material pa siña nan trabao den sector hotelero. AHATA a haci un bunita donacion na E.P.B. San Nicolas. Minister Endy Croes a señala cu Colegio EPI tambe lo ricibi AWG. 325mil a traves di “normbedrag”.

En conexion cu e asuntonan di Ministerio di Deporte, Minister Endy Croes a indica cu a haci un peticion na Aruba Sport Unie (ASU) pa bin cu diferente curso pa educa e federacionnan con pa tin un bon maneho. E federacionnan mester ta fuerte pa por duna guia debidamente.



Joran van der Sloot no por yega na acuerdo di culpabilidad den caso di extorsion

Joran van der Sloot, kende ta keda como e sospechoso principal den e desaparicion di estudiante Mericano, Natalee Holloway na 2005, no a logra yega na un acuerdo di culpabilidad den e caso di fraude y extorsion relaciona cu e desaparicion di e adolescente, segun portal online di Merca, The Messenger, ta reporta.

“E no kier tempo adicional den prison,” un fuente cercano na e negociacionnan a bisa The Messenger. “Pero fiscalia kier pa e pasa tempo den prison pa loke el a haci. Pues nan no a logra yega na un acuerdo ainda.”

Abogadonan Mericano pa Van der Sloot, kende actualmente ta den prison wardando su huicio na estado natal di Holloway, Alabama, a reuni varios biaha cu fiscalnan federal pa facilita un acuerdo den e caso, segun fuentenan ta confirma. “Nan ta demasiado apart den loke nan kier,” segun e fuente

legal ta sigura. “Si nan no logra yega na un acuerdo, ta bay tin un huicio.”

E deadline pa negocia un acuerdo di culpabilidad tabata siman pasa. Dialuna, abogadonan pa Van der Sloot a entrega un solicitud pa un extension di 45 dia. “E fecha limite pa informa corte si Sr. Van der Sloot kier declara culpabilidad of bay huicio ta dia 18 di september, 2023,” segun e documento di corte obteni pa The Messenger. “Conseho legal ta rekeri tempo adicional pa revisa e descubrimiento, investiga e caso y prepara pa huicio.”

Fiscalnan ta alega cu cinco aña despues di desaparicion di Holloway na Aruba, Van der Sloot a reuni cu John Q. Kelly, un abogado pa famia di Holloway. Segun autoridadnan – y e-mailnan obteni pa The Messenger – Van der Sloot a exigí \$250mil a cambio di duna detaye tocante con Natalee a fayece y e paradero di su restonan. Van der Sloot a ricibi



un pago inicial di \$25mil prome cu reuni cu Kelly na Aruba na mei di 2010, segun un acusacion federal di 2010.

Fiscalnan ta alega cu durante e reunion, Van der Sloot a duna informacion falso riba kico a sucede cu e adolescente desaparecido. El a bisa cu su morto tabata accidental, y cu su tata fayecido, Paulus van der Sloot, a deshaci di su curpa na un sitio di construccion.

E restonan di Holloway nunca a ser haya, e ta keda desaparecido. Un hues na Aruba a declar’e legalmente morto na 2012.

Maske Van der Sloot inicialmente a declara su mes inocente pa e cargonan di extorsion y fraude, awo e ta sperando pa declara culpabilidad pa asina evita tempo den prison. E kier bay back na Peru, unda el a keda condena pa otro asesinato na 2010.

Luna pasa, Van der Sloot a yama corant Hulandes, De Telegraaf, for di prison y durante e yamada aki, a expresa su deseo pa bandona Merca. “Mi abogadonan ta papiando cu fiscalia riba con pa procede,” el a bisa e noticiero Hulandes. “Mi ta spera cu pronto ta bay por resolve tur esaki y cu mi por bolbe Peru,” el a continua. “E condicionnan na prison Challapalca tampoco ta placentero, pero mi no ta asina isola eynan manera si mi ta akinan, y al menos mi ta un tiki mas cerca di mi yiu muhe chikito Dushi y su mama Leidy.”

No ta cla na ki momento ambos banda ta bay reuni pa continua cu negociacionnan pa un acuerdo di culpabilidad.

“Realmente ta den su miho interes pa resolve esaki,” segun e fuente legal ta bisa. “Pero mi sa cu famia di Natalee ta anticipando pa haya nan dia den corte pa enfrenta [Van der Sloot.] Pues nos lo wak kico ta pasa.”



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Ainda tin chens pa haci nominacion pa premio Nacional “Crioyo di Oro”

Cu e obhetivo di reconoce esnan cu tin talento, creatividad y cu comunidad mes ta stima, respeta, aprecia, apoya y balora, e aña aki Go Cultura Foundation ta celebrando e di tres aniversario di Premio Nacional di Oro y nan ta buscando esnan cu ta bay tin e honor di haya e reconocimiento aki cu tres categoria nobo.

Na aña 2021 Jossy Brokke Jr. tabata e prome artista cu a haya un homenahe y e premio nacional aki pa su excelencia artistico y pa 65 aña di aporte na desaroyo cultural di Aruba. Por corda cu e prome homenahe dedica na Jossy Brokke eña ey, caminda cu Fundacion Go Cultura a sorprende Jossy cu e premio aki y a nombra Jossy Brokke como Aruba su prome recipiente di Premio Crioyo di Oro.

Na 2022, despues di un luna largo cu comunidad general por a nomina nan faboritonan, a toca turno na Maybelline Arends-Croes pa ricibi e premio nacional aki, ken a ser considera como un di e artistanan y baluartenan cultural di mas importante, emblematico y legendario di henter nos historia como isla y como pais.

Na su 78 aña di edad, por mira atras riba un carera y trayectoria impresionante di Maybelline como docente, compositor, musico, productor, cantante y ciudadano Arubano activo, ehemplar y productivo. E homenahe di gala cu Maybelline a ricibi tabata dia 30 di november di aña pasa, cu a inclui un concierto musical cu oranan carga pa un elenco impresionante di e streanan di mas briyante di

e mundo musical di e pais, cu na mes momento ta amigonan y alumnonan di semper di Maybelline. El a bira un biahe den Maybelline su carera musical desde su inicio te cu actualidad.

Despues di e exito grandi aki, Fundacion Go Cultura a dicidi cu lo continua cu e proyecto aki, considerando cuanto baluarte e isla tin cu merece un reconocimiento y homenahe di e forma aki, y tanten cu nan ta na bida. Premio nacional “Crioyo di Oro” ta un premio cu a nace na 2021 crea y presenta pa Fundacion Go Cultura como estimulo y homenahe na baluartenan local cu ta forma parti di industria di arte di tarima (performing arts: cantante, musico, actor, poeta, cineasta, promotor y mas), cu a impacta nos comunidad di un forma impresionante y cu a dedica nan bida largo na desaroyo positivo y adelanto cultural di Aruba.

E aña aki Fundacion Go Cultura a anuncia un bes mas cu publico general por participa den e proceso di nominacion pa e proximo persona, personanan of grupo(nan) cu lo ricibi e premio aki. Durante e prome dia cu e plataforma di nominacion a bira publico, por a nota un record di 338 nominacion cu a dreña. Pues por a nota un reaccion instantaneo hopi grandi for di nos comunidad cu a nomina varios persona cu nan ta desea di mira ricibi e premio prestigioso aki.

Pa un persona por considera pa ricibi e premio principal door di e comision di Fundacion Go Cultura tin varios rekisito cu e persona mester cumpli cune. Entre otro, e persona mester ta na bida,



e mester a dedica su bida largo y di un forma excepcional y bisto na e adelanto cultural di Aruba, e mester por gosa di un bon reputacion den comunidad y su aporte por demostra hopi cla con el a hisa e perfil di e Industrianan Cultural y Creativo di Aruba, impactando desaroyo cultural, social y hasta economico.

E aña aki, a introduci 3 categoria nobo: Premio Estimulo, Premio Contribuidor di Excelencia y Homenahe Postumo. Den e pagina di nominacion, por lesa tur detaye di e categorianan nobo aki. Den luna di october proximo lo anuncia number di e ganadornan di e premio aki pa 2023. Esaki lo habri caminda tambe pa e celebracion y homenahe di gala cu lo tuma luga dia 1 di december 2023. Publico por asisti na esaki, manera cu tabata e caso e prome dos añanan.

E premio mes, ta un diseño di Fundacion Go Cultura y un produccion di artista Gilbert Senchi. E tin un simbolismo hopi particular cune di exito, desafio, fracaso, perseverancia, consistencia, superacion y excelencia. Abo tambe por nomina bo baluarte cultural faborito y bo por nomina mas cu un persona. Pa haci esey, por scan e QR-code riba Facebook fage di Go Cultura Foundation pa haya acceso na e pagina digital y click riba e link pa bo haci bo nominacion.



Minister Rocco Tjon:

A ricibi bishita di director general di International Planned Parenthood Federation

Minister di Husticia y Asuntonan Social sr. Rocco Tjon a bishita Famia Planea Aruba (FPA) kende ta miembro di International Planned Parenthood Federation (IPPF). Durante e bishita aki a reuni cu e director general di IPPF, Dr. Alvaro Bermejo, kende pa prome bes den 50 aña a bishita Aruba.



Gobierno di Aruba ta comprometi pa aloca mas fondo pa Famia Planea Aruba (FPA) mirando cu nan tin un rol importante pa loke ta provee anti-contraceptivonan, counseling y educacion di salud sexual. Di e forma aki ta yuda mitiga problemanan social, y alabes contribui na e bienestar di nos hobennan.

IPPF a compromete nan mes pa sigui sostene Aruba, pues nan ta un partner hopi importante riba e tereno aki, caminda nan ta brinda asistencia na Aruba. Na mes momento, di parti di Ministerio di Husticia y Asuntonan Social a percura pa den presupuesto 2024, aloca mas fondo pa FPA. FPA tin un rol hopi importante pa loke ta mitiga problemanan social, pues ca-

sonan cu eventualmente lo por bira un problema social, door di brinda counseling y educacion di salud sexual.

Presente na e presentacion di awe tawata un otro partner, HAVA, kende a brinda diferente informacion riba diferente topico. Remarcabel ta cu e representante di IPPF a indica cu e motibo principal pa nan bishita pa Aruba ta, e



señalnan positivo cu nan ta hayando di FPA, pues nan mes kier presencia con FPA ta brinda asistencia, principalmente riba e parti di educacion sexual, pa asina nan por sigui sostene FPA pero alabes percura pa FPA por fungi como un modelo cu nan por replica den nos region. Esaki ta yena nos di gratitud, mirando e motibo principal pa nan bishita na Aruba

ta a base di Aruba su bon representacion internacionalmente. Nos ta gradici henter e ekipo di FPA, pa e tremendo trabou cu nan ta eherce, apesar di ta un ekipo chikito, nan ta sigur un ekipo hopi dinamico. E impacto cu nan tin pa percura pa e bienestar di nos hobennan ta uno inigualabel.

Departamento di Impuesto ta tuma pasonan importante pa reduci retraso den procesamiento di obhecion

A procesa 18.025 bezwaar den e prome mita di aña 2023

Departamento di Impuesto a bin ta anuncia durante e ultimo simannan e esfuersonan cu a wordo haci riba tereno di cobranza di impuesto y compliance durante e prome mita di aña y ta duna un bista den e trabaonan cu ta wordo haci pa reduci e retraso den e procesamiento di obhecion (bezwaar).

Aunke tin un trabou grandi



cu mester wordo haci ainda, e trabao ta avansa den un ritmo constante y di un manera structura cu un norma pa procesa 3.000 carta di obhe-

cion pa luna.

Determina pa elimina retraso E retraso den e procesamiento di e cartanan di obhecion a

pone cu contribuyentenan te ainda ta den espera di un contesta di Inspector. Departamento di Impuesto ta comprende e preocupacion di e contribuyentenan y ta den pleno ehecucion di un plan structura pa atende cu e retraso aki. Aunke e retraso ainda no a wordo elimina completamente, e funcionarionan di Departamento di Impuesto ta determina pa optimalisa e servicio y reduci e tempo

di espera. A tuma algun medida pa asina por aumenta e capacidad di procesamiento y reduci e tempo di espera di e contribuyentenan.

Departamento di Impuesto a logra avansenan importante den reduccion di retraso den procesamiento di restitution y ta keda comprometi pa reduci e retraso den procesamiento di "bezwaar" tambe.

Edificio di Bureau Interne Diensten / Magazijn, completamente remodela



Diabierna atardi, Prome Minister Evelyn Wever-Croes a ricibi e yabi di e edificio completamente remodela di Bureau Interne Diensten (BID) / Magazijn. Prome Minister a indica cu tempo el a bira e minister encarga cu BID Magazijn, e la haci un bishita na e edificio, pa mira e circunstancianan cu e empleadonan tabata



traha aden.

Na e momento ey, el a haci un promesa na cada un di nan, cu e lo percura, como Minister encarga, pa drecha e edificio y hacie un luga di trabou mas eficaz. Awe cu hopi orguyo, Prome Minister ta ricibi e yabi di su promesa haci y cumpli.

Prome Minister a indica cu

BID / Magazijn ta e luga encarga pa cumpra y maneha tur producto necesario pa tur departamento di gobierno. E productonan aki ta varia di pen, potlood, y papel, te na productonan di limpieza. Gobierno no solamente a remodela e edificio sino a traha un magazijn hopi mas grandi pa nan, creando oportunidad pa amplia e cantidad di compra. Cu e opcion pa cumpra na cantidadnan mas grandi, e prijs di producto lo baha, favoreciendo asina e caha di gobierno. Tambe esaki lo yuda na sirbi e necesidnan di tur e departamentonan di gobierno mas eficiente. "E compromiso di Gobierno ta pa percura cu tur em-



pleado publico tin un espacio confortabel pa traha aden, creando asina un ambiente mas bunita y agradable. Mi ta spera cu e edificio nobo aki, crea e ambiente y motivacion necesario pa cada empleado sigui sirbi tur e departamentonan di gobierno y comunidad en general, di e mes manera di loke nan ta bin ta haciendo. Mi ta gradici BID,

DOW, y VKH (Van Kessel Havenbouw) pa por a haci e proyecto aki posibel. Tambe na cada empleado cu a traha pa añas largo den circunstancianan menos agradable, hopi pabien cu boso edificio nobo y un danki di curason pa e trabou cu boso ta bin ta eherciendo" Prome Minister a expresa.

Hulanda:

Premie di seguro medico ta aumenta pa 12 euro pa luna en averahe

(N L T i m e s) — Residentenan Hulandes por espera un otro aumento den nan premie di seguro medico otro año, segun cifranan publica riba Dia di Presupuesto a musta. E Gabinete Demisionario ta espera cu e premie nobo pa salud basico lo ta 1.792 euro pa año, en averahe. Esey ta conta pa casi 150 euro pa luna, 12 euro mas cu e año aki, segun fuentesnan cerca di gobierno a conta RTL Nieuws y De Telegraaf.

E aumento no lo keda mescos pa tur hende, como cu e proveedonan di seguro mes ta determina nan premie. E calculacionnan di gobierno ta solamente un guia. Proveedonan tin te cu dia 12 di november pa anuncia nan premienan. Tradicionalmente, DSW ta e prome pa haci esaki den e siman despues di Dia di Presupuesto.

Segun Bas, Knopperts, ken ta un experto di seguro medico na Independer, premienan ta

aumentando pasobra cuida en total ta birando mas caro. Hospitalnan y proveedonan di cuida medico tambe ta enfrendando costonan di salario halto y inflacion, segun el a conta RTL Nieuws.

Algun proveedo di seguro por scoge pa uza nan reserva pa limita e aumento di prijs, pero e reservanan ey no ta wanta pa semper, Knoppers a bisa. Varios proveedo di seguro a haci esaki caba pa limita aumentonan den e ultimo par añanan.



Seguro medico lo ta mas caro otro año, y e aumento probablemente lo ta rond di e cifra publica for di e Gabinete, e ta espera.

Merca:

Hospitalnan rural ta cerando su salanan di maternidad

(AP)—Menos cu mita di hospitalnan den areanan rural di Merca tin cambernan di maternidad, cual ta forsa hende muhe na estado pa biaha distancianan mas largo pa cuida of enfrente duna luz den cambernan di emergencia. Esaki a causa cu oficialnan ta buscando un solucion.

Un di e solucionnan considera ta pa tin centronan di nacemento bao carga di parteranan, pero esey mayoria biaha ta depende riba hospitalnan ora complicacionnan serio sosode. E ciere di e hospitalnan aki a empeora e “desiertonan di cuida di maternidad”—areanan rural, cu ningun hospital of centro di nacemento y ningun proveedo di ginecologo. Mas cu dos miyon hende muhe di edad pa haya yiu ta biba den e areanan aki. Y menos camber di maternidad ta haci cu haya yiu ta bira mas peligroso.

E Asociacion Mericano di Hospitalnan a bisa cu al menos 89 cambernan obstetrico a cera den hospitalnan rural entre 2015 y 2019, y mas a cera desde e tempo ey. E motibo pa esaki ta e caida den cifranan di nacemento; problema cu personal, tiki reembolso for di Medicaid, y angustia financiero, segun Peiyin Hung, vice-director di e University of South Carolina's Rural and Minority Health Research Center.

Dr. Pamela Evans, ken a yuda cu nacementonan pa varios año y cu lo keda como gine-



cologo, a bisa cu e ta preocupa cu cosnan manera nacemento prematuro, mortalidad infantil of baby naci bao peso ta bay empeora. Cuida prenatal ta sufri ora hende mester biaha distancianan largo of tuma hopi tempo off pa afspraak, el a bisa.

Un solucion pa e crisis di cuida rural por ta un centro di partera. Algun estado- y

comunidadnan ta tumando varios stap pa crea mas centro di nacemento independiente. Gobernador di Connecticut, Ned Lamont, firma un legislacion recien cu lo aproba centronan asina pa opera como un alternativa pa hende muhenan cu embaraso.

Politiconan na Oregon a mobilisa e zomer aki y a considera pidi e ayudo di nursenan obstetrico for di e U.S. Public Health Service Commissioned Corps, cual ta responde mayormente na desasternan natural y plamamento di malesa. Mientras cu e idea aki no a logra, e servicio federal a manda expertonan na Baker City, ken a recomenda varios solucion, incluyendo e establecimiento



CAS DI CULTURA Y FARITAH LUIDENS TA PRESENTA

SPIRITO

Un obra di Henrik Ibsen dirigi pa **HILDA HELLWIG**

Faritah Luidens
Dimanche Gonzalez

Ferdinand Franca
Carlos Croes

Jhon Freddy Montoya
Tuesday Irwin

Dianan: 20 y 21 di october 2023 - Ora: 7:30pm - Entrada: Awg. 35;

FONDS PODIUM KUNSTEN PERFORMING ARTS FUND NL

UNOCA

OBTENIBEL NA SUPERFOOD, PLAZA BOOKSHOP Y CAS DI CULTURA

CAS DI CULTURA

Acusacion di mal maneho na NIPA: Studentenan forsa pa retira pa motibo di falta di personal

(smn-news) – Varios estudiante na Instituto Nacional di Avance Profesional (NIPA) di Sint Maarten ta den limbo desde cu management di NIPA a nenga di contrata maestronan esencial cu lo siña nan nivel 3 den nan carera. Cantidad di e studentenan a haya sa e aña escolar aki cu nan no tin e maestronan pa duna les anochi of hasta algun les den dia.

E studentenan cu a tuma contacto cu SMN News a bisa cu mientras cu a duna lesnan general manera wiskunde y Ingles durante dia, nan no tin maestro pa duna les di nivel 3 anochi. Studentenan hasta a

subi rednan social pa expresa nan decepcion cu e scol y su management team.

Un maestro cu a papia cu SMN News anonimamente a bisa cu e studentenan cu a tuma e lesnan di electronica aña pasa no por continua e aña aki simplemente pasobra maneho di NIPA a nenga di contrata e maestro cu nan a recluta. E maestro a bisa cu tin un laboratorio completamente ekipa na NIPA pero no tin ningun maestro pa continua e lesnan pa e studentenan cu ya a pasa nivel uno y dos. E mesun maestro a splica cu e situacion ta igual pa trahadornan di automotive y trahadornan pedagogico



(SPW.) NIPA ta den existencia desde 2014, y te awo, ainda no ta maneha e scol corectamente. Tabatin dies pa diesdos director te awo, mayoria di cual a haya retiro pa diferente motibo. Algun director a haya retiro pasobra nan no por a contrata maestro ya cu e hunta directiva no a duna

fondo pa contrata nan, segun e fuentenan.

Actualmente NIPA tin tres director, cu tampoco ta contratando maestro lagando e studentenan den limbo.

E maestronan tambe a indica cu e presidente di WITU a faya di representa nan ora cu

nan tin problema cu NIPA. Nan ta bisa cu presidente di hunta di WITU, Stuart Johnson ta amigo cu algun miembro di hunta directiva di NIPA. E maestronan a bisa cu ta deduci pago pa e sindicato automaticamente, y cu no ta responde na nan yamada of mensahe ora cu nan tuma contacto cu Johnson pa representacion.

Stuart a responde na un e-mail di SMN News, indicando cu nan “kier laga cla cu nos no tabata na altura di “varios” keho di cual boso a puntra, y nos ta comprometi pa sigura cu nos miembronan ta bon representa y tin sosten na tur momento.”

Salida sin stop for di Komite di Relacionnan di Reino

(CuraçaoChronicle) – Parlamentario Machiel de Graaf ta bandonando arena politico, convirtiendone e miembro mas recien di Komite di Relacionnan di Reino den Tweede Kamer cu ta bandona esaki. Maske casi nunca el a atende reunionnan di e comite, e miembro di PVV consistentemente a presenta un mocion durante e debate anual di presupuesto pa Relacionnan di Reino y e Fondo BES, cu



tin meta pa kibra lasonan cu e islanan Caribense, maske e mocionnan aki tabatin tiki chens di ta exitoso. Notablemente, el a argumenta pa Bonaire construi un planta chikito di energia nuclear na lugar di aumenta su uso di energia solar y di biento.

De Graaf ta un miembro di Tweede Kamer desde 2012. Despues di e proximo eleccionnan, e ta bay traha como terapeuta di trauma. El a de-

clara: “Tin hopi hende ta cana rond cu heridanan bieu manera trauma of PTSD. Mi kier guia nan y yuda e hende aki haci bida menos pisa y mas soportable.”

Anteriormente a keda reporta cu miembronan di e comite, Van den Berg (CDA), Wuite (D66), Kuiken (PvdA), Simons (BIJ1), Tunahan Kuzu (DenK), Roelof Bisschop (SGP), y Liane de Haan tambe ta bandonando Den Haag.

Wever-Croes y Jacobs, pero no Pisas, ta bayendo ONU cu delegacion di Reino

(CuraçaoChronicle) – Prome minister di Aruba, Evelyn Wever-Croes y di Sint Maarten, Silveria Jacobs ta parti di e delegacion di reino lidera pa prome minister di Hulanda, Mark Rutte cu ta bay participa den e di 78 Asamblea General di Nacionnan Uni na New York diabierna dia 22 di sep-

tember.

E motibo pakico prome minister di Corsou, Gilmar Pisas no ta bay participa no a keda revela. Esaki ta nifica cu e Secretario di Estado pa Relacionnan di Reino, Alexandra van Huffelen, lo mester bay sin su partner di baile. Wever-Croes y Jacobs ta bay participa den varios evento



Peticion pa aprobacion di un plan di parcelación na Oranjestad conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na DIP, Sabana Blanco 68, cu reserva di tur derecho cu cambianan por wordo hasi na e parcelacion, durante un luna desde dia 18 september 2023 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



organisa durante e siman, enfoca riba educacion, clima, liderazgo femenino y

SIDS (Small Island Developing States.) Tambe nan ta bay tene reunion cu colega-

nan regional y agencianan di ONU.

A detene un empleado di Ministerio di Defensa Hulandes pa bende piesa di avion pa Rusia

(NLTimes)—A detene un homber di 48 aña di Arnhem cu ta traha pa Ministerio di Defensa Hulandes riba sospecha di evadi sancionnan contra Rusia. E ta sospecha di manda piesa di aeronave pa Rusia via un intermediario.

Esaki ta prohibi desde cu Hulanda a impone sancionnan riba Rusia siguiendo e invasion di Ucrania na februari aña pasa. E homber a ser deteni dia 30 di augustus, segun e inspectorado di crimen financiero, FIOD, a reporta den un comunicado.

Ademas, a descubri muni-



cion den a apartamento di e sospechoso. Tambe FIOD a confisca informacion administrativo y aparatonan di data digital.

E Ministerio di Defensa no a provee mas detaye tocante

e homber, como cu e investigacion ainda ta andante. E sospechoso a ser suspendi y actualmente ta den custodia di polis. Segun Follow the Money, e homber a traha pa e sector di defensa desde añan 1990.

E caso aki a sali na cla despues cu un homber di 53 aña di Arnhem a ser deteni un dia prome. “E sospechoso tabata encarga di un compania cu tabata exporta piesanan di aeronave mayormente pa Rusia,” segun FIOD. Supuestamente el a exporta produccionan pa Rusia via “paisnan alternativo.”

Durante e incursion di un apartamento, sitionan di negoshi y cambenan di storage, a confisca piesanan di aeronave, arma, como tambe municion. Ademas di 250.000 euro y 8.000 dollar den efectivo, FIOD tambe a confisca

aproximadamente 160.000 euro den depositonan di banco. Informacion for di e investigacion aki a resulta den e detencion di e empleado di Defensa. Como cu e tabata emplea pa e Ministerio di Defensa, e ehercito Marechaussee tambe ta involvi den e investigacion.

Segun FIOD, e magistrado cu ta examina e caso a ordena pa e sospechoso keda den custodia pa 14 dia, cuminsando for di dia 1 di september. Ambos homber deteni a ser ordena pa keda den detencion prehuicio pa al menos 60 dias durante e procesonan dia 14 di september.

Provincia di Gelderland ta distancia su mes for di acusacionnan di ambiente agresivo

(NLTimes)—E provincia di Gelderland ta distancia su mes for di e acusacionnan di un ambiente di trabao insegur den edificio di gobierno provincial. E provincia a anuncia esaki diasabra como contesta riba un articulo cu De Gelderlander a publica un dia prome.

Segun e corant regional, Notario di Rey di Gelderland, John Berends, y algun di su asociadonan ta culpabel di comportamiento inadecua den e luga di trabao. Esaki ta inclui gritamento, intimidacion y haci redo. Ademas, acoso y comportamiento transgresivo fisico tambe ta

envolvi.

Ademas, algun empleado a conta e corant cu Berends ta un homber dificil. E no ta tende di e consehonan di su oficialnan, apenas ta lesa su documentonan, y supuestamente no ta duna su empleadonan ningun atencion. E gobierno provincial a haya e articulo “sorprendente.” Segun De Gelderlander, e imagen di un cultura di miedo den e gobierno provincial a ser confirma pa un encuesta di empleado cu a ser conduci recien pa e provincia di Gelderland. E corant a bisa cu e tabatin conocimiento di e detayenan di e rapport. Segun e provincia, e encuesta



di empleado conduci na mei esun di november aña pasa. a “mehora basta” compara cu

Asina mes, e gobierno provincial ta reconoce cu tin preocupacionnan. Como contesta, e provincia di Gelderland a lansa un encuesta “follow-up” riba presion di trabao y inseguridad social. E resultadonan di e encuesta aki ta espera otro luna. “Den e articulo, De Gelderlander a haci algun declaracionnan fuerte tocante e notario. Nos ta sorprendi di kico ta skirbi den e articulo. Señalnan di inkietud semper mester ser considera y investiga seriamente. P’esey nos ta wardando pa e resultadonan di e investigacion y mientras tanto nos ta considerando kico mester den e organizacion,” segun e gobierno provincial a bisa.

Victimanan di trafication di hende lo haya reembolso pa gasto di integracion

(NLTimes)—Victimanan di trafication di hende of esnan cu a bin dilanti como testigo lo por pronto pidi reembolso pa e gasto di nan integracion. Ta reconoce e victimanan aki riba e mesun nivel di refugiadonan, cu tambe lo haya reembolso for di municipionan pa e costonan di e programa obligatorio pa integracion. Minister di Asunto Social Demisionario, Karien van Gennip a skirbi den un carta pa Parlamento cu esaki tabata su contesta pa un peticion for di D66.

Van Gennip tambe a considera cu lo ta indeseabel pa victimanan paga pa e programa nan mes, manera otro migrante. Te awo, solamente migrantenan di asilo por haya e reembolso di 10.000 euro. Pa esey, e ley mester cambia, y esey por tuma te cu 2025 ora e Gabinete nobo tambe kier move den e direccion ey. Van Gennip a cuminsa cu preparacionnan caba y tambe ta check si e regulacion plania por ser implementa den practica.

Sinembargo, el a bisa cu ta dificil pa haya por haya un bon seguro pa e grupo. El a

calcula cu aproximadamente 10 hende mas lo beneficio for di e skema aki tur aña, cual lo pone presion riba e presupuesto. Segun e minister, esaki por ser resolve dentro di e presupuesto actual. E ta kere cu despues di un serie di retonan, practicanan di integracion ta moviendo den un bon direccion, aunke lo mester di mas mehoracion.

Van Gennip tambe a reporta den e carta cu tin un aumento skerpi den e cantidad di migrante cu a haya boet pa no integra na tempo. Na 2019, 3.403 buscadonan di integracion a haya boet pa no cumpli

cu deadlines. Entre mei di 2022 y augustus di 2023, tabatin 5.200 sobrepaso. Como resultado, e minister a con-

duci un investigacion pa haya sa pakico esaki a sosode.



Cocaina ta cerca di supera petroleo como producto principal di exportacion di Colombia

(Infobae) – Cocaina casi ta bay bira e producto principal di exportacion di Colombia, superando e petroleo, ya cu produccion di e droga aki ta sigui aumenta mientras gobierno ta adopta un politica mas “comprensivo” pa loke ta trata droga, segun calculonan di Bloomberg Economics.

Exportacion di petroleo a registra un caida di 30% den e prome semester y e tendencia di comercio di cocaina a aumenta di forma permanente, loke ta nifica cu esaki ultimo por bira e producto principal

di exportacion di Colombia e mesun aña aki, segun economista di Bloomberg Felipe Hernandez.

“Nos ta calcula cu ingreso pa exportacion di cocaina aumenta na 18.200 milyon dollar na 2022, no hopi leu di exportacion di petroleo pa 19.100 milyon peso di aña pasa,” Hernandez a sigura tambe cu “Gobierno ta destruyendo laboratorionan na unda blachi di coca ta transforma den cocaina, pero esey no a impedi cu e produccion a crece.”

Na 2022, e produccion di co-



caina na Colombia a aumenta na un record di 1.738 ton, mientras cu e superficie di tera sembra cu coca, e materia prima pa fabrica e droga, compara cu 2021 a aumenta

13% yegando na 230.000 hectar, segun un rapport di Oficina di Nacionnan Uni Contra Droga y Delito publica e segundo siman di september.

E presidente Gustavo Petro, e prome gobernante Colombiano di isquierda, a cambia e perspectiva di e pais pa loke ta trata narcotrafico purbando di enfoca den e caponan di droga cu ta haya mas beneficio di e benta di e droga aki na stranhero na luga di bay contra e productornan di blachi di coca, cu ta e stap di mas debil den e cadena di produccion. Petro ta busca dialoga cu e gruponan principal di narcotraficante na e pais, cu speransa di pone fin na seis decada di conflicto civil mediante acuerdonan di paz.

Participacion di militarnan Ruso den desfile di Independencia di Mexico a ricibi hopi critica

(AP) - E participacion di militarnan Ruso den desfile militar pa conmemora lucha pa independencia di Mexico cu a tuma luga diasabra ultimo a origina criticanan tocante e posicion di e pais aki pa invasion di Ruso na Ucrania.

E decision di gobierno di presidente Andres Manuel Lopez Obrador di invita un delegacion di Rusia pa participa den desfile a causa reaccion di embahador di Ucrania na Mexico, Oksana Dramaretska, ken a afirma cu e acto conmemorativo a muestra un “deshonra” debi cu militarnan Ruso “nan boots y mannan criminal di guerra ta



mancha cu sanger.”

“Con coherente ta sr Andres Manuel Lopez Obrador, su politica di neutralidad y con-

dena di agresion na mi pais ta?” Dramaretska a puntra su mes den un mensahe publica riba e red social “X” conoci

como Twitter anteriormente.

Na e criticanan, tambe a uni e senador independiente Emilio Alvarez, ken a expresa cu “miles di Ucrainiano a muri debi na bombanan Ruso y awe e ‘humanismo Mexicano’ ta para na banda di un invasor manera Vladimir Putin e presidente di Rusia ta.”

Aunke Lopez Obrador pa varios biaha a defende e posicion di Mexico como “neutral” pa loke ta trata e guerra cu Ucrania, algun a acusa e mandatario di tin preferencia pa Rusia. Mexico a tarda den expresa su posicion claro di rechazo pa e invasion

Ruso na Ucrania y a nenga di apoya cualkier sancion pa Rusia lo cual no a ser aproba pa Consejo di Seguridad di Nacionnan Uni, loke a causa dudanan di e neutralidad di e pais Latino Americano den conflicto aki.

E mandatario Mexicano tambe a cuestiona mandamento di arma di candela y placa di Merca y di otro paisnan pa Ucrania, y a propone e creacion di un comite internacional pa promove un dialogo y logra paz na Ucrania. Den desfile militar tambe tabatin representacion di China, Colombia, Cuba, Ecuador, El Salvador, Venezuela Nicaragua, entre otro.

Un avioneta a cay na Amazonia Brasileño y 14 persona a muri

(DW) – Diasabra ultimo un avioneta cay memey di e selva Amazonico di Brazil y autoridadnan a confirma e morto di 14 persona cu tabata biahando den dje, tur di nacionalidad Brasileño.

E aparato, Embraer EMB-110 “Bandeirante” a sali for di Manaus, capital di estado Amazonas, cu destino Barcelos, na unda turistanan a contrata un trip di piscamento, pero a cay poco antes cu mester a aterisa memey di e awaseronan fuerte cu diasabra ultimo tabatin den e region selvatico aki, segun fuentenan oficial a informa.

Alcalde di Barcelos, Edson



Mendes a confirma cu den avioneta tabata biaha 14 persona, dos di nan tabata tripu-

lante y no a registra ni un sobreviviente. Barcelos ta un ciudad chikito

ubica den selva Amazonico, cu ta biba di agricultura y turismo, piscamento deportivo

ta un di su mayor atraccion.

Segun autoridadnan, a hiba e curpanan na Manaus ayera diadomingo debi cu awaseronan ta afectando e ciudad y e aeropuerto chikito di Barcelos no ta opera den oranan di anochi debi na limitacion tecnico.

E avion tabata pertenece na un empresa di taxi aereo cu base na Manaus, e cual, segun autoridadnan aeronautico, tin mas di un decada den operacion.

E website di noticia G1 di Brazil a señala cu e avion tabatin capacidad pa 18 pasahe-ro y ta fabrica pa e compania Brasileño Embraer

CALLING THE FOLLOWING CUSTOMERS...

Stephanie Elizabeth Maduro	Boegoeroei 38-D
Jersino Rutilio Laclé	Pierda Plat 99-E
Swinda Fortunata Tromp Laclé	Pos Abou 9-A
Mijoli Suraima Sophia Ras	Seroe Blanco 31-B
Lindsay Ludella Tromp	Papaya 8-K
Ruperta Alejandrina Kelly	Ayo 8-A
Shadira Ann Henriquez	Roncado 130
Mirurgia Anushka Desiree Ras	Sero Preto 224
Jefry De Jesus Gil Perez	Dr Schaepmanstraat 56
Giovanni Marcelo Helder	Havenstraat 28
Orlando Noel Garcia	Bubali 48-D
John Alexander Rijke	Sabana Grandi 33
Marianne Kimberley Antonia Lourens	Jan Flemming 4-B
Luz de Maria Gomez	Primavera 5-B
Kim Zulay Maduro	Sero Bentanaweg 19
Luis Estevan Franken	Paradera 48-H
Marc Anthony Pablo	Caya Frere Arnold 32
Reagen Werleman	Santa Lucia 70
Ramon Girigorio Patrick Javier Kock	Angochi 4-C
Maureen Joseline Maria Kock	Seroe Preto 26-B
Gregory Raymond Rasmijn	Alto Vista 73
Darring Phreysan Orman	Arendstraat 120-F
Iris Ilsa Palm	Weststraat 14
Sandra Maria Rafael	Salina 11
Charline Claire Luidens Croes	Pos Chiquito 76-E
Lourwin Erwin Porfolio Helder	Madiki 85-D
Ryan Jean Carlo Dirksz	San Fuego 35-A
Melony Michelliane Fatima Kock	Weg Sero Blanco 17-B
Marina Marcia Geerman	Savaneta 271-Q
Shirley Jennifer Henriquez	Savaneta 242
Devah Chantalle Leenheer	Bakval 8
Edison Alonso Cano	Tanki Leendert 76-A
Jordy Gino Lampe	Pos Chiquito 49-W
Clemencio Andres Tromp	Macubari Straat 15
Raquelita Juanita Sanchez Heyden	Palm Beach 144-A
Marita Hesuscita Lusía Weaver	Jan Flemming 25-B
Stephanie Tamara Jeannice Edwards	Esso Height 1-G
Dwight Jonathan Lopez	Caya Soeur Dorothea 25
Yaneth Posada Perdomo	Cumana 77-V
Gregorio Rubio Villones	Palm Beach 136
Virgilia Mercedes Adamus Kemp	Madiki 85-N
Caroline Daisyann Stefani	Tanki Leendert 61
Vivian Miloushka Joseline Kelly	Cunucu Abou 115
Clayton Angel Alfonso Werleman	Rooi Kochi 34-F
Esmeralda Ideltice Rochaline Heyden	Sabana Grandi 23-A
Carlos Enrique Arias Suarez	Tanki Flip 105
Francis Gerard Kock	Jaburibari 12-C
Stephanie Maria Boekhoudt	Tanki Leendert 165-Y
Jean-nare Antoine Erasmus	Paradera 107-B
Quioshanea Tashaima Mayren Simon	Jaburibari 227
Yadira Lydienne Peterson	Seroe Pita 52-P
Hermogenes Jesusito Fingal	Hooiberg 48-G
Janine Igenia Monart	Sero Patrishi 356
Joshua Oliver Manuel Figaroa	Purun 33
Mirella Carolina Martinez	Papilon 47
Jordino Robert Vrolijk	Sabana Basora Noord 137
Mark Anthony Vrolijk	Papilon 21-A
Randolf Bradford Gibbs	Noord 33
Jose David Solano de la Hoz	Alto Vista 97-B
Merelyn Annalis Arends	Pitastraat 55

**PLEASE CONTACT US AT 521-1121
TO DISCUSS WITH YOUR COLLECTIONS AGENT**

Venezuela: Oposicion ta continua careda pa eleccion primaria dia 22 di october



(NTN24) – Embahada Mericano na Venezuela a reitera su pedido pa eleccion liber y husto na Venezuela, cu proposito di e primaria spera pa 2024.

Riba su cuenta riba plataforma X, e embahada a expresa cu semper ta bay sostene pa scucha e voz di e ciudadanonan. “Eleccion liber y husto ta e base di tur democracia prospero. Merca ta sostene Venezuela y tur nacion pa laga scucha e voz di nan ciudadano y permiti pa democracia y hende prospera. Riba dia internacional di democracia nos ta resalta e activismo hubenil y su participacion como un forma poderoso pa sostene un cambio real,” a bisa.

Mientras tanto, oposicion Venezolano ta continua e careda pa eleccion primario dia 22 di october proximo, na mesun momento cu ta mancha obstaculonan manera inhabilitacion di tres candidato, agresion, un proceso sin sos-

ten di CNE y e solicitud di un impugnacion dilanti Tribunal Supremo di Husticia.

E Comision Nacional di Primaria ta sigura cu e cronograma ta canando segun loke a stipula, mientras cu e Plataforma Unitaria ta insta tur ciudadano pa participa, pues nan ta considera cu ta un proceso cu ta busca union democratico.

Sinembargo, alcalde di Chacao y dirigente di partido Fuerza Vecinal, Gustavo Duque, ta considera cu e comicionan interno mester keda posponi pa motibo di falta di preparacion. “Nos tin tempo nos dilanti, probablemente e decision maduro lo ta ‘ban reorganisa esaki, ban duna nos mes un luna mas, dos luna mas’”, e politico a bisa den un entrevista cu Globovision. “Mi ta sinti cu esaki no ta dañá e evento, esaki ta añadi na e evento, esaki ta drecha, a lo mejor, e debilidadnan cu nos lo por tin,” el a continua.

Biden ta nombra Jamaica entre cinco nacion di transito of produccion di droga

(Jamaica Observer) — Presidente Mericano, Joe Biden a nombra varios pais entre nacionnan mayor pa transito of produccion di droga ilicito pa Aña Fiscal 2024. Den un memorandum di Cas Blanco, Biden a lista Bahamas, Belize, Republica Dominicana, Haiti y Jamaica.

Otro paisnan identifica ta Afghanistan, Bolivia, Burma, China, Colombia, Costa Rica, Ecuador, El Salvador, Guatemala, Honduras, India, Laos, Mexico, Nicaragua, Pakistan, Panama, Peru y Venezuela.

“Presencia di un pais riba e

lista no ta necesariamente un reflejo di e esfuersonan anti-droga di su pais of su nivel di cooperacion cu Merca,” Biden a bisa. “Consistente cu e definicion den statuut di un pais mayor pa produccion of transito di droga ilicito segun seccionnan 481 (e)(2) y 481 (e) (5) di Ley di Asistencia Stranhero di 1961, segun amienda, e motibo cu ta pone paisnan riba e lista ta un combinacion di factornan geografico, comercial y economico cu ta permit pa produci of transita droga, hasta si un gobierno a participa den medidanan robusto y diligente di control di narcotico y cumplimiento di ley,” el a agrega.

Angel Didder a gradua como Bachelor den Organization, Governance and Management (OGM)

Dialuna 11 di september 2023, Angel Didder a defende su tesis exitosamente y a obtene su titulo di 'Bachelor of Arts'. Angel a defende su tesis dilanti di e comision di graduacion cu tawata consisti di decano di Facultad di Arte y Ciencia, dr. Mieke de Droog, drs. Jacques van der Scheer y Sr. Gershwin Lee cabesante di San Antonio. Ademas tabata presente, famia di Angel,



invitado, otro docente y estudiante di Universidad

di Aruba.

E titulo di Angel su tesis ta "Perspectives on Challenges in the Working Relationship Between Human Resources Management and School-Managers Within SKOA Regarding HR's Policies and Procedures, and Opportunities for Improvement". Angel a colabora cu e organizacion 'Stichting Katholiek Onderwijs Aruba (SKOA) y abase di e resultadonan di su

investigacion a propone diferente recomendacion pa/cu e sector di recurso humano.

Un palabra di gratitud ta bay na: e coleganan di Universidad di Aruba, e docentenan di e departamento di OGM y e profesionalnan cu a yuda of guia Angel como estudiante. Tambe ta gradici SKOA y esnan pafo di Universidad di Aruba cu a contribui na un manera of otro na e acontecimiento aki.

Skirbi pa Ruthy "Lady Ruth" Vrieswijk-Bergen Sabiduria den nos alegria



Cu un cordial saludo pa un feliz dia yen di sabiduria den nos alegria! Awe nos lo conta boso un crenchi di e dushi anochi di Poema cu a tuma lugar recientemente na Maggys situa den Caya Betico Croes, den nan sala parti patras conoci como "Cunucu Cafe", banda di CMB bo banco amigo. Hopi hende, entre nan, artista, poeta y escritor-nan, amante di poema. Hopi a recita nan poema cu algo di e tema "Wall flower", un persona verlegen of shy, cu ta den background sin haya su debido atencion di esnan rond di dje. Algo asina.

Lady Ruth tambe mes-ter a busca den diccionario pa haya sa un crenchi mas di e tema aki bao di e titulo "Wall flower". Nos grupo di amiga a yega mas tempran pa por a gosa di un private tour duna pa Sheelah di Maggys di e asina yama: "Pop op" di Frida Kahlo, un artista y poeta Mexicano cu un bida impactante y impresionante. Un bunita expo den nan sala na banda, Maggys ta un di

e lugarnan di mas bieu ariba nos isla cu ta bende e perfumnan di mas dushi di tur parti di mundo. Asina tambe nan tawata tin e perfume cu ta carga e nomber Frida Kahlo. Nos por a gosa di e "warm up song" di Ryan Maduro ariba guitarra cu canto di Angela Croes.

Angela, como artista tawatin tambe obranan masha bunita di boternan pinta tur color cu cara di Frida Kahlo ariba nan. Nos por a admira otro obranan di arte traha na man di varios otro artista, e.o. cuadranan pinta pa. Belinda de Veer. E anochi di poesia a cana hopi bunita atrobe y tawatin musica jazz masha bunita atrobe di Carlos Bislip y amigos. Y e hoben guitarista fantastico Jayden Richardson. Na nos mesa cu Milly, Yvette, Verna y Ruthy nos a gosa di dushi johnny cake y cheeseballs di Kulture Kitchen y nos a gosa di un par di wijntjes cu a baha hopi bon mes.

Manera ta e tradicion cu Lady Ruth, nos a inspira un bunita poema prosa relaciona cu e tema di e anochi ey y e biaha aki un bes mas nos



bon amigo tremendo MC Leo a tene e paraplu colorido di Lady Ruth, como su toke artistico di reparti blessings cu por baha for di ariba, pa e spart tur rond y inspira tur cu un crenchi amor y alegria. E ambiente den Cunucu Cafe di Maggys tawata tremendo! Hopi great pa a topa tambe cu Audrey, den bon salud, hunto cu su pareha, gosa tambe di tur e presentacionnan di e varios poetanan presente. Ki bunita tawata e poema di lieve mooie Yakari, despues di basta tempo sin tend'e recita. Yakari tin, segun mi a lesa, un buki nobo online titula: "Bread and Butter" causando exito.

E ultimo Poetry Night lo tuma lugar dia 20 September na Alfies patras na banda di Aruba Laundry den curason di Oranjestad, cu Open Mic henter anochi. E tema ta encuan- to posibilidadnan. Algo positivo y bunita sigur! "People, let's shine again with our spoken words in love and



positivism" ban sigui briya den nos Arte di Palabranan poeticamente inspira y expresa! Danki pa lesa nos relato cu atencion, pasa un dushi dia yen di sabiduria den nos

alegria! Un bearhug pa boso di Lady Ruth. Ban sigui sembra cosnan positivo, bon y bunita pa nos cosecha tambe ta positivo, bon y bunita! Dios ta bon, Dios semper ta bon!

Amnesty International a bishita KPA



Recientemente altocommisario di polis drs. Ramon Arnhem a reuni cu Amnesty International. E directora di Amnesty International Sra. Dag-

mar Oudshoor y lider di proyecto Tamara Paul a haci diferente bishita den e region Caribense.

Den un combersacion ameno diferente temanan a bin di-



lanti. Tabata tin temanan cu a ser discuti profundo y critico. Cuerpo Policial Aruba como tambe pais Aruba ta para pa e bienestar y cuido di cada derecho di un ser humano.



“E derechonan aki a wordo logra hopi añanan atras cu sanger, sodo y lagrima. Nos tin di keda mantene e balornan aki y pa cu esaki mester keda refleha criticamente sin

cu tur biaha ta e caso.” Tabata palabra di altocommisario drs. Ramon Arnhem, durante e bishita di Amnesty International na Aruba.

Dos homber deteni, hopi droga y placa confisca



Diabierna for di den oranan di marduga Unit Narcotica ta riba pia en conexion cu un otro investigacion grandi.

Ta trata di un investigacion unda cu delincuentenan a kere cu nan por trece droga Aruba, bende esaki y burla di nos Husticia pero aki ta unda cu nan a faya! For di oranan di merdia a haci un entrada hudicial na un cas na Caya Soeur Nicephora y bao ordo di fiscal a detene e homber N.J.R.M di 24 aña di edad naci na Aruba. E investigacion a continua y den oranan di anochi a haci un otro entrada hudicial na un



cas na Bubali na unda a detene e homber M.P.T.T di 26 aña di edad naci na Aruba. Durante di e entrada hudicial na Bubali a bin topa un cantidad grandi di droga y placa cu a keda confisca pa mas investigacion. No ta descartar cu lo tin mas detencion. Unit Narcotica ta un unidad

di Cuerpo Policial Aruba cu oficialmente a wordo lanta 1 augustus 2023.

E unidad ta investiga tur loke ta bendemento di droga for di casnan, ariba caya, delivery, plataforma social y hasta area

di hotelnan. Tambe e unidad ta investiga tur droga cu wordo intercepta pa Douane, US Customs na aeropuerto, door di ambtenaarnan di KIA y tambe tur droga encontra durante cualkier control policial. Pa Cuerpo Policial

Aruba por resolve mas caso cooperacion y informacion di pueblo di Aruba ta hopi importante, p'esey nos ta pidi si bo tin cualkier informacion yama nos tiplijn di Polis cu ta 11141. Nos ta garantisa cu bo ta keda anonimo.

Rij largo di vehiculonan na Santa Cruz pa probecha di “Baki den Barrio”



Diasabra mainta por a mira un fila largo di vehiculonan pa asina bay haci uso di e oportunidad pa benta sushinan afo

den e bakinan poni den e parkinglot di ex-veld di Winston pa deshaci di e desperdicionan.

Career Opportunities

Caribbean Mercantile Bank N.V. a member of the Maduro & Curjel's Group of banks, in order to accommodate growth and to better service our existing customers, is taking applications for the position of:

CONTACT CENTER REPRESENTATIVE

The Contact Center Representative provides excellence customer service by phone, email, messaging services or any other non-customer-facing communication methods. The Representative responds to CMB customers; questions and concerns and gives guidance about bank products and services with the objective to assist in solving any banking problems they may have and as such foster customer loyalty, while following the Bank's policies & procedures. The inquiries and claims include, but are not limited to, bank accounts, bankcards, bank transactions and internet banking.

The Representative makes an important contribution to customer satisfaction by providing prompt, efficient and courteous service to customers of the Bank. The Representative also plays an important role in sales by way of sales referrals, information gathering and fraud prevention. The Representative must have the ability to stay focused and positive during all customer interactions and must be able to adapt to the changing environment inherent in a world class Contact Center.

Professional requirements:

- MBO / HAVO education level.
- Minimum two (2) years' experience in a similar position or position requiring client handling and exposure to customer service.

Candidate Profile:

- Expert communication skills including fluency in English, Dutch, Spanish and Papiamentu.
- Excellent customer service and time management skills in order to satisfy the needs of a large client group.
- Thorough business acumen skills and the ability to handle all client matters in a confidential and professional manner.
- Strong interpersonal skills and the ability to maintain composure during difficult circumstances.
- Punctual, self-motivated and a team player.
- Expert PC skills using common software tools to access and communicate within the Bank (Word, Outlook, Excel, PowerPoint).
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by September 25, 2023.

Bisiña a logra scapa puppy for di e garanan di 3 Pitbull na Papilon

Diasabra mainta a drenta informe di cu tin 3 Pitbull a bula sali for di nan cura pa asina bay ataca un pover puppy, mesora a dirigi un patruya na e sitio.

Na yegada di e patruya a bin compronde cu bisiña a tuma curashi di enfrenta e pitbullnan pa asina logra scapa e puppy cual tabata mal herida. E puppy ta di otro bisiña cual no tabata na cas y a probecha di sali pero ey mes otro banda di caminda e 3 pitbullnan a bula nan cura



cual ta hopi abao y a bay ataca e doño di e Pitbullnan. e puppy. Polis a bay atende cu



Homber a bay den bar na Paradera y a dal su pareha cu ta trahado tras di bar

Diasabra madruga a drenta informe di un caso di maltrato nan bar na Paradera, mesora a dirigi un patruya na e sitio.

Na yegada di e patruya e dama victima a conta cu e tabata trahando tras di bar y di-ripiente su pareha a presenta y a dal e un wanta basta duro

y a bay for di e sitio. Polis a muestra e dama e camindanan cu e tin pa cana.



Na Macuarima auto a baha caminda dal cashi coriente di cas kibra y sigui core bay

Diasabra madruga a drenta informe di un accidente hit & run na Macuarima, mesora a dirigi un patruya na e sitio.

Na yegada di e patruya a bin compronde cu un auto pasando a baha caminda dal e cashi coriente di un cas y benta e mast abao y a sigui

core bay manera nada a pasa. Polis a yama Elmar y W.E.B. Pa nan presenta pa resolve e problema na e cas concerni.

Polis a detene chauffeur burachi coriendo pickup cu a pasa dal 2 auto y kier a sigui core

Diasabra mainta a drenta informe di un accidente na Santa Cruz, mesora a dirigi un patruya na e sitio.

Na yegada di e patruya a bin compronde cu aki ta trata di

un chauffeur burachi coriendo un pickup a pasa dal un auto preto y despues a bay dal un auto cora. Polis a nota cu e chauffeur ta burachi y a detene pa a core auto bao influencia y ocasiona accidente.



Polis a detene chauffeur burachi cu a subi e median na Palm Beach

Diasabra madruga a drenta informe di un accidente dilanti Benihana na Palm Beach, mesora a dirigi un patruya na e sitio.

Na yegada di e patruya a bin compronde cu e chauffeur di e Toyota Yaris a bay sali for di e parkinglot y a tuma e bi-

rada demasiado grandi y a bay subi e median. Polis a nota cu e chauffeur ta hopi burachi y ora di test el a surpasa e limite. Mesora a pidi pa e vehiculo di transporte pa asina hib'e warda di polis na Shaba mientras takelwagen tambe a bini pa hiba e auto.


3 persona deteni despues cu polis a haya nan cu arma di candela den auto

Diasabra madruga a drenta informe di cu tin un auto shinishi y un otro auto blanco cu 5 persona banda di dje cu lo ta molestiando e clientenan na Citgo Caya Grandi, mesora a dirigi patruyanan na e sitio.

E polisnan a comunica cu

otro pa asina nan traha un strategia y cambia nan. Na un dado momento nan mira un patruya y nan a purba di huy pero door cu a traha un strategia di tur banda polisnan a bin blokia e auto shinishi di tal forma cu nan niun por a huy. Durante e control y listramento den e Nissan Teana a bin logra haya un

arma di candela, mesora a informa nan cu tur 3 ta deteni pa posesion ilegal di un arma di candela y a lesa nan nan derechonan. Separadamente a transporta nan pa warda di polis y a confisca e vehiculo Nissan Teana shinishi A71783 pa mas investigacion.



Accidente entre un taxi y un bus na crusada Van Leeuwenhoekstraat cu Caya ing. Roland H. Lacle

Diabierna anochi a drenta informe di un accidente na e crusada Van Leeuwenhoekstraat cu Caya ing. Roland H. Lacle, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un taxi y un bus di Arubus unda e taxi no a duna e bus preferencia, e daño no ta hopi pero e taxista a ofrece e chauffeur di e

bus 50 dollar pa nevermind e asunto pero e chauffeur a nega pasobra e bus ta di Arubus y no di dje. Polis a pone ambos supla y e taxista tabata net bao di e limite, mientras e chauffeur di e bus tabata "0".

Ambulance, polis y bombero a bay pa dama cu no tabata por a hala rosea na Zara

Diasabra atardi a drenta informe di cu lo tin un dama cu no tabata por a hala rosea na e piso mas halto den Zara, mesora a dirigi tanto polis como ambulance na e sitio.

Na yegada di e patruya a bin encontra cu ambulance caba na e sitio y tabata atendiendo e dama na e cushina unda eynan el a choca cu un pida carni ora e tabata comiendo. Unabes cu a logra reestablice rosea mester transporte

pa hospital pero como cu e ta na e piso di mas ariba mester bah'e cu ekipo special cu bomberonan ta posee y a pidi nan presencia. Na yegada di e bombero a yuda baha e dama y asina a logra transporte den ambulance pa hospital.



Polis a bay pa adicto ambulante Chico Gang cu tabata cende candela rond di ex-hotel Central



Diasabra atardi a drenta informe di cu e adicto ambulante "Chico Gang" pegando un candela banda di ex-hotel Central, mesora a dirigi un patruya na e sitio.

Na yegada di e patruya a nota e candela chikito pero e sospechoso mes no tabata t'ey den cercania. Polis a core den e area pa mira si ta topa cune pa atende pa su actonan. E tabata pa kima pa haya e koper.

Chauffeur di van a maniobra malo dal Toyota Vitz djey core bay laga e van atras



Diabierna anochi a drenta informe di un accidente na Sero Blanco, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Hyundai H1 a haci un mal maniobra y a bay dal un Toyota Vitz. E daño no ta

hopi pero pa sorpresa di tur hende e chauffeur di e van a baha core bay laga e van atras. Polis a confisca e van pa asina su doño bin reclam'e.

Auto a bira na man robes dilanti un brommer contrario y a dal den otro frontal

Diabierna anochi a drenta informe di un accidente cu hende herida dilanti Certified Megamall, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Hyundai Accent

biniendo for di pariba a bay bira na su man robes pa bay e area di ex-Bushiri Hotel pero no a duna preferencia na un motociclista biniendo for di pabao y nan a impacta frontal. Debi na e impacto aki e motociclista a resulta herida. Na yegada di e ambulance nan a atende e motociclista y a transporte pa hospital.



Auto a dal cura di un cas na Santa Cruz kibra y a sigui core bay

Diabierna atardi a drenta informe di un accidente na Santa Cruz, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda e auto a baha caminda y a bay dal cura di un cas y a sigui

core bay. Camara di seguridad a capta e auto y awor polis ta buscando e auto y e chauffeur.



Chauffeur bao influencia y cu a dwaal a basha porta di cura y casi drenta un cas na Alto Vista

Diabierna anochi a drenta informe di un accidente na Alto Vista, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda cu un chauffeur bao influencia a dwaal y a bay dal un porta di garashi kibra benta esaki abao, pasa riba e porta y hera drenta

e cas tambe. Polis a pone e chauffeur supla y esaki a surpasa e limite permiti pa ley. Polis a detene e chauffeur aki pa a core auto bao influencia y ocasiona un accidente.

Na Mabon chauffeur di autobus a causa accident cu un U-turn

Diabierna atardi a drenta informe di un accidente cu hende herida na Mabon, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di un autobus a bay dal un U-Turn pero no a hiba na cuenta cu tabata

bini un Honda su tras y esaki a bin dal den banda dilanti net unda e chauffeur ta sinta. Debi na e fuerte impacto 2 persona a resulta herida. Na yegada di e ambulance nan a atende ambos victima di cual e chauffeur so a ser transporta pa hospital mientras e otro cu tabata un pasahero den e autobus a ser atendi na e sitio mes.



Pelea entre pareha hoben ta sigui: cas a keda full na sanger

Ultimamente tin un pareha hoben cu casi tur dia ta pleita y tin maltrato pero e mucha muher menor di edad mes no kier entrega keho, ni kier termina e relacion.

Diabierna anochi un familiar a bin descubri e dilanti y den e cas tin hopi sanger basha

rond indicando cu un maltrato serio a tuma lugar na e adres ey. Mesora a bati alarma y a avisa polis varios patruya a presenta na e cas na Playa Pabao. Ora polis a yega a nota cu di berdad tin hopi sanger plama rond y a bati na porta di e camber como tambe yama e mucha na su celular pero sin contesta. Mirando

e situacion polis a haya mi-hor yama e investigadornan tecnico y forensico pa bini y tuma imagennan di e situacion. Un rato despues e mucha muher a yega cu un herida pero no kier a comenta nada otro cu esey ta di oranan di merdia. Un familiar a keda di bay hib'e hospital.

Compleho Deportivo Guillermo Prospero Trinidad na Dakota cu yerba artificial completamente nobo

Recientemente, Minister di Enseñansa y Deporte, Endy Croes a haci un “site visit” na Compleho Deportivo Guillermo Prospero Trinidad na Dakota. Manera ta conoci, e stadion na Dakota ta den proceso di renobacion desde algun luna atras.

Tin hopi trabao ta tumando luga na e stadion y ta trahando cu ful swing pa por keda cla completamente cu e trabao e aña aki. Un compania profesional di Merca a bin Aruba pa a aloca e yerbe artificial nobo na Compleho Deportivo Guillermo Prospero Trinidad.

Diahuebs ultimo, e compania profesional AstroTurf a finalisa cu nan trabao y entrega Minister Endy Croes un certificacion cu garantia



di ocho (8) aña pa e trabao cu nan a haci. Tambe presente na e ocasion special aki tabata Ministerio di Deporte e representantenan di Fundacion Facilidatnan Deportivo (FFD) y e empleadonan cu a haya training pa e mantencion di e yerbe artificial.

Otro siman e representan-

tenan di FIFA lo ta na Aruba pa certifica e trabao aki. Minister Endy Croes ta gradici AstroTurf pa e trabao sublime cu nan a haci. Sigur cu esaki ta un tremendo noticia pa nos deportistanan y pa e federacion di futbol. Masha pabien Aruba!



Kuss ta converti den prome Mericano pa gana un careda di Grand Tour den un decada

(AP) — Un decada despues, Merca ta un ganador di Grand Tour atrobe. Sepp Kuss a gana e Vuelta Spaño ayera pa bira e prome Mericano pa gana un di e caredanan top den ciclismo desde cu Chris Horner a gana den Vuelta na 1913. E otro eventonan di Grand Tour ta e Giro d'Italia y e Tour de France.

Kuss efectivamente a sigura e victoria prome cu e etapa en gran parti ceremonial diadomingo, ora cu rivalnan den e capital Spaño a respeta su bentaha y no a lansa ningun atake segun tradicion di ciclismo.

“E ta increíble. Mi ta kere awe tabata e etapa cu mas mi



a sufri di henter e careda, awo mi ta djis contento el a caba,” Kuss a bisa. “E ta cambia mi bida sigur. Mi ta kere mi lo mira back riba e experiencia aki cu hopi memoria dibeido. Ainda mi ta procesando, mi ta kere ta bay dura un tempo. Awo, un celebracion

grandi. Famia, amigo ta aki, y esey ta bay ta hopi special.” Tabata un victoria sorpresa pa Kuss, kende a drenta e careda den un rol di sosten pa su compañeronan di Jumbo-Visma, Jonas Vingegaard – dobel campeon di Tour de France – y Primoz Roglic, tri-



pel campeon di Vuelta.

Vingegaard y Roglic a finalisa na di dos y di tres lugar general respectivamente, completando un prestacion dominante y un treble historico pa Jumbo-Visma, cu a bay cu tur tres evento di Grand Tour

e aña aki. Roglic a gana e Giro d'Italia na mei y Vingegaard a ripiti como campeon di Tour de France na juli.

Kuss a crusa e linea hunto cu su compañeronan di team, kende tur tabatin un camisa special bisti den honor di e treble di e team.

Villa Panamericano Santiago inaugura

E prome proyecto di e Santiago 2023 Pan American Games a keda inaugura awe na e capital Chileno. E Villa Panamericano ta situa den e comunidad Cerrillos y tin 17 piso, 1,355 apartamento, a area berde grandi, weganan y tur distraccion cu a atletanan mester tini pa keda den forma confortabel y bon sosega durante nan estadia na e Weganan Panamericano.

Presidente di Chile, Gabriel Boric Font, Ministernan,



Santiago 2023 Executive Director Harold Mayne Nicholls, atletanan Team Chile y e comunidad di Cerrillos a participa na e ceremonia di inauguracion

Despues di e tour pa mira e apartamentonan y e area di e Villa, Presidente Boric a bishita e area principal unda a realisa e tradicional corto di sinta.



E Weganan Panamericano lo ta di 21 di october pa 5 di november proximo na e ciudad Santiago, Chile. Mas cu claro nos delegacion di Aruba tambe lo ta presente pa competi

na dicho weganan. Aruba lo competi den 11 disciplina di deporte cu 15 atleta.

Potret y texto di Comité Olimpico Arubano.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Lider di Fraccion di AVP, mr. Mike Eman:

Un sociaal cultureel planbureau lo brinda estudionan científico urgentemente necesario

Costo di bida halto, perdida di poder di compra, cost of doing business aumentando, inversionnan priva reduciendo, diferencianan preocupante den reparticion di entrada, pobreza y fragmentacion di famia, Aruba den un deterioro fisico y social, tur ta retonan grandi cu Aruba ta enfrentando. “Den un tempo cu retonan complica ta keda influencia nos desarojo e necesidad pa guia confiabel y conocimiento ta bira di esencial importancia. E solucionnan mester ta basa riba estudionan científico amplio y profundo. Nos no por traha cu un solo set di cifra isola for di un cantidad di otro realidad y factornan den comunidad. Nos mester un “dashboard” completo di informacion pa por fiha maneho y tuma decision”, e lider di fraccion di AVP, mr. Mike Eman a expresa.

E propuesto pa institui un Sociaal-Cultureel Planbureau Aruba (SCPA) ta hunga un papel crucial den e vision aki. SCPA lo funciona manera un entidad di investigacion científico independiente cu ta analisa, investiga, y raporta cuestionnan sociaal-económico y comunal di un manera basa riba fundamento científico. Esaki no solamente ta trece un comprendemento profundo di e cuestionnan aki, pero tambe ta provee un “dashboard” amplio di


informacion confiabel y profundo na nos comunidad, Eman ta splica.

Pa nos logra un acuerdo nacional riba e cambio di rumbo cu nos Pais mester bay pa sali for di e situacion preocupante cu e ta aden nos mester dialoga. Nos mester hiba e dialogo aki basa riba informacionnan amplio y profundo cu nos mester analisa cu participacion di profesionalnan científico. P’esey un Sociaal Cultureel Planbureau Aruba ta urgentemente necesario, mr. Mike Eman ta accentua.

“E confiansa den ciencia, man den man cu un bista cla di e realidadnan cu ta biba den pueblo, lo tin e credibilidad cu ta necesario pa crea un sosten nacional pa cambio di rumbo. Cu e “dashboard” di informacionnan cu un SCPA por provee nos lo tin datonan imparcial, profesional cu cual nos por tuma decisionnan huicioso”.

E lider di fraccion di AVP, mr. Mike Eman, cu a dirigi como Promer Minister dialogonan asina profundo, cu datonan profesional, ta subraya e balor di un Sociaal Cultureel Planbureau Aruba, manera tin planea den nan proposicion. “Nos propuesto pa institui hunto cu Hulanda un Sociaal-Cultureel Planbureau Aruba (SCPA) ta crucial pa provee un “dashboard” completo di informacion científico pa nos por traha pa e bon comun di Aruba henter. Un solo set di cifra, isola for di un cantidad di otro realidad y factornan den comunidad,

no ta suficiente. Nos mester un “dashboard” completo di informacion confiabel pa por fiha maneho y tuma decision pa determina un rumbo di cambio positivo pa Aruba.



Parlamentario Marco Berlis (MEP):

Marisol Lopez-Tromp mama di LAft y CAft awor ta flip-flop riba RAft

Recientemente na Mei 2023, riba pagina 19 te cu 21 den e “Verslag voorstel van Rijkswet houdende regels voor het Financieel Toezicht op Aruba,” Marisol Lopez-Tromp (MAS) a expresa den preguntanan pa Hulanda cu e no ta di acuerdo cu diferente puntonan di e RAft, y si esakinan no wordo contesta ni considera, anto e ora ey e RAft den su forma original no ta faborabel sino peligroso pa nos pais. MAS a hasta expresa den su “zienswijze” cu e kier presenta un amienda riba e ley di RAft. MAS a hasta menciona cu si e RAft bin cu cierto norma di presupuesto pa pais Aruba cu no ta realistico, Aruba su economia no lo por crece y lo sali perhudica pa e ley di RAft. Adicionalmente MAS a declara cu e RAft lo stroba in-

versionnan internacional di por tuma lugar. (Pagina 15-16 Verslag di Staten pa Tweede Kamer Mei 2022)

Marisol pro RAft aunke su preguntanan y amienda a wordo ignora pa Hulanda

Aunke fraccion di MAS NO a haya su preguntanan contesta pa Hulanda, NO a logra pa amendeer e ley di RAft, diripiente a flip-flop y ta bisando cu nan kier e RAft manera cu e ta, cu tur e consecuencianan pa pais Aruba. Si Hulanda NO a contesta MAS su preocupacionnan, no ta logico pa MAS bay contra RAft? Asina mes pa basta tempo MAS a core ke bandera cu kier RAft, RAft mester bin, den rueda di prensa, Parlamento y debate. Awo diripiente pa via di presion di debate di Diamars riba nan postura entreguista y traidor, Sra. Gunn a dobla y a core bisa cu MAS kier wak un cambio chikito den e ley di RAft. Sinembargo, MAS no por a menciona cual te cambionan aki especificamente. Kiermen, no obstante tur loke Marisol a menciona ta malo den e RAft manera cu e ta awo pa pais Aruba toch nan kier esaki bay door cueste lo que cueste!

Marisol Mama di LAft y CAft

E mas tristo ta cu Marisol ta keda splica pueblo cu supervision financiero mester bin y cu ta p’esey el a insisti na 2015 pa esaki keda implementa. Primeramente, ya tin supervision financiero den forma di CAft y LAft! Segundo, esaki ta e mentira di mas grandi den historia politico. Historia ta muestra bon

cla cu Marisol a sostene AVP como Presidente di Parlamento desde 2013-2016, gritando voor pa e deficitnan historico di nos pais. LAft no a bin pa invitacion sino como un intervencion di parti Hulanda pa via di e maneho catastrofico di Gabinete Eman-I-II y Marisol gritando voor pa esakinan den Parlamento. Ta pasobra Marisol NO a haci su trabao como representante di Pueblo, Hulanda a invadi Aruba cu LAft, CAft y un KB. Asina e mama di LAft y CAft Marisol Lopez-Tromp a duna lus na supervision financiero pasobra claramente Aruba su Parlamento den e añanan ey a demostra di NO por haci su trabao y a traiciona e pueblo di Aruba.

Marisol Mama di LAft y CAft PRO maneho catastrofico di Gabinete Eman

(1) Marisol Lopez-Tromp como parlamentario y presidente di Staten di AVP a sostene tur e deficitnan desastroso di gabinete Eman I-II. 2010: -188.6 miyon florin, 2011: -325.2 miyon, 2012: -443.3 miyon florin, 2013: -332.8 miyon florin, 2014: -405.8 miyon florin, 2015: -184.6 miyon florin, 2016: -177.30 miyon florin, 2017: -137.3 miyon florin... y asina Aruba a yega na 86.2% di su GDP na debe (ARA, CAFT, IMF) sin conta PPP aden pa mas di un biyon florin sin cu por a duna cuenta di e suma aki segun Algemene Rekenkamer di Aruba. No tabata tin control di parti Parlamento dirigi pa e mama di LAft Marisol Lopez-Tromp y e rapportnan a sali devastador pa tata di LAft y CAft Mike Eman.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario independiente mr. Gerlien Croes:

Flip flopping di Prome Minister lo costa pueblo 30 miyon florin extra



Parlamentario Gerlien Croes ta cuestiona e credibilidad di Minister President Evelyn Wever-Croes repasando e desaroyonan cu a conoce durante su mandato y cu deliberadamente ta mina e autonomia di Aruba. For di core campaña acusando e gobierno ante-

rior di a bende esaki, te na gaña henter Parlamento pa subi avion y firma rijkswet (RAft) permitiendo supervision financiero. Despues di tur esey, ainda Wever-Croes tin e curashi di acusa representantenan di pueblo di esunan cu ta flip flop.

Tur e gañamento aki ta obliga e actual Secretario di Estados van Huffelen pa expresa cu e ta sorprendi pa e posicion cu gobierno di Aruba ta tuma y cu un dispensacion di e pago ta for di mesa manera a yega di bisa caba. Pa purba scapa su cara, awor e prome minister ta purba di cambia e nomber di e ley cu toch na final di dia lo keda un Rijkswet cu supervision financiero. Sin mas, awor e kier hasta propone pa areglo di cierto condicionnan den un Landsverordening (LAft), cual ta un ley cu e mes a duna conseho na Parlamento pa deshaci di dje na 2018, cual mas aun a crea motibo pa desconfiansa di parti Hulanda den Aruba su maneho financiero.

“Mi ta kere pueblo mes no ta compronde mas kico e flip flopping aki kiermen pasobra si tin un hende ta flip flop akiden ta e minister president di

e pais aki,” asina parlamentario independiente mr. Gerlien Croes a indica durante su disertacion den Parlamento di Aruba. Riba dje ta entrega un presupuesto pa 2024 basa riba 3.2% di e RAft cu e mes no kier mas.

Dia 6 di september gobierno a haya un carta di van Huffelen bisando cu e idea hibrido (regla condicionnan den LAft y RAft pareu) ta great, pero e no ta bay cambia e normanan di presupuesto y lo tin cu bay mara esaki y cumpli cune den e Rijkswet manera palabra anteriormente. Parlamentario Croes a puntra minister president pa mustra e doorrekening cu Hulanda tambe a pidi p’e cu e lo mester a entrega dia 8 di september y minister president no por a presenta esaki.

Parlamentario Croes: “Awo pa pueblo sa kico tur e flip flopping aki kiermen; e 6 pa 8% di interes, pa motibo di no cumpli cu palabracionnan haci, lo nifica cu por lo menos 2 aña largo entre 30 miyon extra pueblo lo tin cu paga na interes. Esey ta e tristo realidad y tur esaki a caba di wordo confirma durante reunionnan di Tweede Kamer Hulanda di aranson ultimo 13 di september.

Parlamentario Shailiny Tromp-Lee:

Aruba completo mester desapropa e mocion encuan to ‘strafrente’ aproba pa Tweede Kamer

Loke a pasa den Tweede Kamer diamars dia 29 di juni 2023 ta algo cu Aruba completo mester desapropa. Esta cu e mocion presenta pa Parlamentarionan Kamminga di partido VVD y Van den Berg (CDA) encuan to e exigencia cu supervision financiero na Aruba mester bay mediante di un Rijkswet sino Gobierno di Hulanda mester cobra Aruba un interes (rente) mas halto y haci ganashi riba lomba di nos pueblo. Mientras ta trata di un suma di placa cu Hulanda mes ta haya presta na un interes di alrededor di 3% y lo mester bay cobra Aruba na interes conforme mercado financiero cu lo por ta e ora entre 6 pa 8%. Pueblo mester ta consciente cu ta trata di un prestamo, dus Aruba ta paga e suma di placa bek. Adem as un biaha mas a keda accentua y demostra, mediante e motibonan pakico a bin cu e mocionnan, con tiki algun parlamentario Hulandes sa of ta worry cu e situacion di nos pais of nos democracia.

Manera ta conoci na october venidero ta bira e momento cu Aruba mester cuminsa paga e debe cu a keda crea cerca Hulanda. Un debe di 916 miyon pa por a brinda sosten y ayudo na pueblo cu entre otro subsidio di salario y Sosten Financiero na companianan chikito y mediano. No ta un secreto publico cu e sosten financiero mediante un fianza di parti di Hulanda, cual sigur nos ta contento y gradici pe, no a bay sin condicionnan. Algo cu te dia di awe dificilmente nos por compronde y ta haya inaceptabel. Pa cuminsa el a keda duna bou di e actitud di “take it or leave it” caminda e islanan den Caribe obligatoriamente mester a bay di acuerdo cu COHO y

Aruba adicionalmente cu RAFT sino no lo haya e sosten. Esaki mientras nos tabata pasando den e momento di mas dificil den e historia di nos pais desde 1986. Banda di esaki nos tur por corda e exigencia di por ehempel e recorte di 60 miyon pa aña cu Hulanda a exige den cuido aki na Aruba durante un pandemia. Un condicion cu te cu dia di awe nan no por a splica of hustifica di ningun manera!

E proceso encamina pa loke ta trata COHO a keda bari di mesa pasobra e ta mina e autoridad di e islanan y ta obstaculisa e parti di eigenaarschap di parti di e islanan. Parlamentonan di e islanan tabata contra e rijkswet y sigur e parti di “gedwongen consensus” no a conta cu sosten di parlamentonan incluyendo e parlamentarionan Hulandes. Pregunta cu nos mester haci ta cu mirando cu e argumentonan aki ta conta pa RAFT tambe dicon ainda Hulanda ta presiona pa esaki si keda concretisa. Solamente pa tin harmonisacion den supervision? Y ki ta para cu trato igual y husto? Ta bon pa pueblo para keto tambe na e realidad cu Aruba no ta keda ofreci e mesun condicionnan faborabel manera nos hermana isla si a ricibi na aña 2010. Anto riba dje awor nos tin parlamentarionan di Hulanda cu ta exige riba dje pa cobra nos mas interes si un biaha mas nos no bay di acuerdo cu nan actitud di “cuchiu na garganta”.

Nos tur mester realiza cu e placa presta no ta un regalo y gobierno ta negoshando e condicionnan bou cual nos ta bay paga bek. Pa Hulanda un kwijtschelding “is niet aan de orde”, lo tabata bon si nan a duna un splicacion dicon. Alabes ta keda incomprendibel dicon nos no por haya un interes abou

sin mara esaki na condicion y base riba articulo 36 di statuut. Of dicon si berdaderamente nan lo kier yuda nos pais, p.e., door di yuda nos cu e gastonan di interes, nan no ta inscribi pa refinancia of financiamiento na nos hermana islanan Curaçao y Sint Maarten. Pasobra tin resultadonan di evaluacion cu ta indica diferente puntonan di preocupacion. Sin papia mes cu overall nos no por echt bisa cu e la funciona of a duna e resultado desea.



Fundacion Telefon pa Hubentud Aruba ta presenta My life, My chance

Banda di e servicionan di telefon, email, chat, lezing y workshop, Fundacion Telefon pa Hubentud Aruba ta desaroya y implementa proyectonan tambe. Un di e proyectonan mas nobo di Fundacion Telefon Aruba ta My Life, My Chance.

Datos local ta muestra cu e edad di e hoben cu ta bin den contacto cu husticia mas y mas ta birando mas jong. Comportacion di hoben, norma y balor, educacion di nos hobennan, ta temanan di combersacion tur dia.

Basa riba esaki Fundacion

Telefon pa Hubentud Aruba a crea e proyecto My Life, My Chance. My Life, My Chance ta un programa cu lo pasa na television cu un famia completo por mira. A traves di My Life, My Chance e discusion den famia ta ser stimula. My Life, My Chance ta duna un bista den posibel consecucionan na momento cu un hoben tuma un decision cu por resulta bon of menos bon.

Via di lensnan di camara nos lo haya un bista den bida di tres hoben. Durante e episodionan e hobennan ta conscientisa e hobennan y mayornan di Aruba tocante e re-

sultado di un decision bon of menos bon.

My Life, My Chance lo pasa na Telearuba ariba 18 y 25 di september y 2 di october pa 9:00 di anochi. Durante e prome temporada di My Life, My Chance e presentador Leonardo Philips ta hiba combersacion cu Sarah-Quita Offringa, Gabriel Alexander y Gilbert Webb.

My Life, My Chance por a ser crea danki na sosten di Setar N.V, Web Aruba N.V, Aruba Airport Authority N.V., The Salamander Group y Do It Center.



Mi Buki, Mi Cas



































Biblioteca Nacional Aruba ta anuncia un otro edicion di su Festival di Buki pa Mucha. Na 2023 e tema ta 'Mi Buki, Mi Cas'. Tur aña ta scoge un tema nobo pa duna e festival un indole diferente. Na biblioteca nos ta preparando un otro edicion pa por sigui

stimula mucha pa lesa buki. E Festival di Buki pa Mucha ta dura un siman y ta tuma lugar den prome siman di November.

Semper ta habri e festival cu un fiesta grandi cu lo tuma lugar diasabra dia 4 di november 2023. Den e siman di

6 pa 10 di november hopi autor tanto di Aruba como for di Hulanda, Corsou, Boneiro y St. Eustatius ta haci nan best pa conta storia den klas y na biblioteca y tambe ilustrado ta duna presentacion ta con nan ta ilustra storia pa mucha. Di e manera aki ta purba di entusiasma muchanan pa



<div>Resultado Sorteo</div> <div>16 y 17 di september</div> <div>2023</div>				<div></div>					
<div>Cadena Alexander Lottery ta presenta resultado di weganan di suerte</div>									
<div><div>DIARIO</div><div>2855</div><div>5482</div><div>9636</div></div>				<div><div>KORSOU</div><div>2550</div><div>6121</div><div>6720</div></div>		<div><div>SUPER4</div><div>9077</div><div>SUPER5</div><div>-</div></div>		<div><div>FLAMINGO</div><div>1791</div><div>8800</div><div>1652</div></div>	
<div><div>DIADOMINGO</div><div><div>DIARIO</div><div>9260</div><div>5386</div><div>7506</div></div><div><div>KORSOU</div><div>9632</div><div>3524</div><div>9903</div></div><div><div>SUPER4</div><div>2847</div><div>SUPER5</div><div>70476</div></div><div><div>FLAMINGO</div><div>6779</div><div>5860</div><div>7046</div></div></div>									
<div><div>MERDIA</div><div><div></div><div>Sorteo # 4035</div><div>3215</div><div>1985</div><div>2574</div><div></div><div>FP</div><div></div><div>Sorteo # 4035</div><div>1026</div><div></div><div>Sorteo # 2091</div><div>9118</div><div></div><div>Sorteo # 4035</div><div>5780</div><div>Capricornio</div><div></div><div>Sorteo # 909</div><div>752</div><div></div><div>FP</div></div></div>		<div><div></div><div>Sorteo # 8046</div><div>2574</div><div>6160</div><div>3037</div><div></div><div>X2</div><div></div><div>Sorteo # 7090</div><div>7268</div><div></div><div>Sorteo # 1795</div><div>2992</div><div></div><div>Sorteo # 5849</div><div>3187</div><div>Aries</div><div></div><div>Sorteo # 779</div><div>231</div><div></div><div>X2</div></div>		<div><div></div><div>Sorteo # 2424</div><div>0 x Jackpot</div><div>0 x Match 4+</div><div>11 x Match 4</div><div>252 x Afl. 12,00</div><div>Joker 35 Letter K</div><div>Proximo Jackpot</div><div>575.000,-</div></div> <div><div></div><div>Sorteo # 6241</div><div>0 x Jackpot</div><div>7 x Match 4</div><div>310 x Afl. 8,00</div><div>04-13-15-16-26</div><div>Proximo Jackpot</div><div>130.000,-</div></div> <div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div><div>Mega Ball</div><div>Proximo Jackpot</div><div>270.000,-</div></div> <div><div></div><div>Afl. 370.000,-</div></div> <div><div></div><div>Sorteo #</div><div></div></div>		<div><div></div><div>Sorteo # 4036</div><div>5927</div><div>3715</div><div>5682</div><div></div><div>x2</div><div></div><div>Sorteo # 4036</div><div>7660</div><div></div><div>Sorteo # 2092</div><div>3769</div><div></div><div>Sorteo # 4036</div><div>2051</div><div>Leo</div><div></div><div>Sorteo # 910</div><div>114</div><div></div><div>x3</div></div>		<div><div></div><div>Sorteo #</div><div>0 x Jackpot</div><div>0 x Match 4+</div><div>0 x match 4</div><div>0 x Afl. 12,00</div><div>Joker Letter</div><div>Proximo Jackpot</div><div>575.000,-</div></div> <div><div></div><div>Sorteo # 6242</div><div>0 x Jackpot</div><div>9 x Match 4</div><div>192 x Afl. 8,00</div><div>11-13-26-29-30</div><div>Proximo Jackpot</div><div>139.000,-</div></div> <div><div></div><div>Sorteo # 1591</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div><div>Mega Ball:</div><div>Proximo Jackpot</div><div>270.000,-</div></div> <div><div></div><div>Afl. 370.000,-</div></div> <div><div></div><div>Sorteo #</div><div></div></div>	

lesa mas, lesa hunto y bishita biblioteca mas. Miembresia di biblioteca a bira gratis na 2023, cu ta un regalo pa tur mucha.

Un grupo grandi di escritor di buki pa mucha ta bishita mas cu sesenta scol. Di Aruba esakinan ta Vanessa Paulina (Escritor y ilustrado), Irmgard Frans (Escritor y ilustrado), Olga Buckley (Autor y poeta), Emerita Emerencia (Escritor, maestra y actriz), Ruthy Vrieswijk (Escritor, poeta y Blogger), Esmeralda Tromp Jacobs (Escritor y contado di storia), Sheila Werleman (Artista visual y ilustrado) y Desiree Correa (Autor y docente). For di Boneiro, Denise de Jongh (Escritor y editor) y Boi Antoin (Investigado y autor) ta join e grupo, Di Colombia autor, poeta y actor Pedro Vargas. Tio Ali (escritor y contado di storia) semper ta forma parti di e festival y Tio Ali ta bini hunto cu Crisen Schoorea. Crisen ta autor y poeta. Jeroen Hoogerwerf y Pieter Koolwijk ta bini for di Hulanda pa bishita e muchanan di scol. Misha Spanner (Contado di cuenta) ta participa pa di prome biaha na e festival na Aruba y ta bini for di St. Eustatius. Nan ta bishita scol pa conta storia, papia tocante buki cu mucha y tambe pa stimula mucha pa lesa mas.

Clasificado

ECONOMICO aviso@bondia.com

Personal GRATIS max. 20 palabra
PASALA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM
Email nos na
classified@csnrv.com

SERVICIO PUBLICO
Limpieza pa cas y auto
Presure wash cura di cas
Laba muebles, laba tapijt
laba vloer
Tel. 593 9464

SERVICIO PUBLICO
Buscando auto pa huur y na bon
prijs? yama nos
Tel. 593 9953/ 593 8453

TA BENDE
BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO
Nos ta chapi, corta y planta
mata, brinda tur servicio cu bo
cura mester. Tira sushi afo,
Tel. 738 1908

SERVICIO PUBLICO
Sushi den cura pa solamente
50,- pa buelta, nos ta lante
lague limpi
Call 592 5766

SERVICIO PUBLICO
Masaje reductores, terapias
para el dolor, terapia infraroja,
kinesiotape, tratamiento faciales
Avicenastraat #18 local A
Tel. 566 1412 / 561 8520

SERVICIO PUBLICO
Ta traha y renoba Cas
drecha dak, ta basha vloer,
pleister, verf cas, traha cura,
pega mosaico
Tel.563 4168

TA BUSCA
Via Party & Events
Night Event, Setup / Installer
Aplica na
arubaviarentals@gmail.com
of **Tel. 594 3133 (whatsapp)**

TA BENDE
1 box di palo den bon condicion
Fls.50.00
Tel. 560 8929

SERVICIO PUBLICO
Ta haci tur trabou di
construccion y carpinteria y tur
cos cu ta furamento di stul y
toldos
Tel : 746 0518 / 569 7539

SERVICIO
Unified One Events
Photos , films, wedding
Tel. 749 2533

SERVICIO PUBLICO
Nos ta haci trabou di
plomeria, electricidad,
hardineria incluye hiba sushi
Handy man.
Tel.742 6250

SERVICIO PUBLICO
Mi ta ofrece pa cuida di mucha
di dialuna pa diabierna y
weekend. Pa informacion
Tel. 558 7310

SERVICIO
Reforsamo papiamento-españo,
of españo pa papiamento pa
hende mayor y mucha
Tel. 563 4641

SERVICIO PUBLICO
Pa haci trabou di verf y chapi,
tur mantencion di pafor di cas
Yama y puntra pa Benito na
Tel.630 5185

SERVICIO PUBLICO
Handyman
Pa trabou di verfmento
plumbing tuberia, chapi,
limpieza di cura, drecha mata
Tel : 567 1108

SERVICIO PUBLICO
Mi ta ofrece servicio pa haci
reparacion di porta, ventana y
hopi mas. Pa mas informacion
Tel. 563 6762

SERVICIO PUBLICO
Pa trabou di data-entry of
update di bo administracion pls
contact:
Tel.568 2339

SERVICIO PUBLICO
Mi ta ofrece servicio di
electricista en general corto
circuito y mantencion
Tel.566 5026

Sushi den cura?
Ta piki sushi cu pick-up
grandi pa Afl 75,= pa buelta.
Yama nos na
561 4297 of 561 5179

SERVICIO PUBLICO
Mi ta chapi, lanta sushi, corta
mata, transporta frigidaire, was-
machine biew, drecha cas, etc.
Tel. 564 1979

SERVIO PUBLICO
Ta ofrece pa verf y chapi cura
bon prijs. Nos ta hiba e sushi.
Yama pa mas informacion na
563 4828 / 5679610

TA BUSCA
trabou pa haci cas limpi,
negoshi of oficina
Tel.561 3910



Cas Di Cultura
Vondellaan 2 Aruba
297-582-1010
F A D A
Campanastraat 5 Aruba
297-583-2999
297-583-9610
F A V I
Primavera 233 Aruba
297-582-5051
297-582-5222

F E P O
Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
297-588-1179

**Fundacion Pa Nos
Muchanan**
Cumana 2 Aruba
297-583-4247

**Fundacion Tel Pa
Hubentud**
Wilhelminastraat 19
Aruba
297-588-6138
**Koningin Wilhelmina
Fonds**
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999
Rode Kruis Aruba
Pedro Gallegostraat 14
Tel.297-582-2219
Fax 588-3376

Famia Planea (SBVO)
Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**
George Madurostraat 34
297-582-0088

Y M C A
Calbasstraat 1 Aruba
297-582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081

Dokter na warda
Oranjestad San Nicolas
Hospital Imsan
7:00 pm / 10:00 pm **24 ora**

Botica na warda
Oranjestad: San Nicolas:
Eagle Centro Medico
Tel. 587 9011 Tel. 584 5794

EMERGENCIA 911

POLIS
Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA
Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD
Setar 117
Web 525-4600
Elmar 523-7147

FUNERARIA
Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Pronostico di tempo



Tempo:
Parcialmente nubia cu un
posible awasero breve.

Temperatura maximo 35
grado Celsius.
Temperatura minimo 29
grado Celsius.
Indice di calor (heat index)
den y rond di oranan di
merdia: 36 pa 44 grado Cel-
sius.
UV index: 12

Temperatura lo ta riba nor-
mal den proximo 24 ora. Ta
pidi publico pa tene e pre-
caucion necesario pa evita
complicacion di esaki.

Bahada di solo: 6:39 pm.
Subida di solo: 6:29 am.

Biento:
Modera for di direccion en-
tre oost-noordoost y oost-
zuidoost;
Forsa 3 te 4 (12 te 30 km/
ora, 7 te 16 nudo).
Durante di dia basta fuerte
te posiblemente fuerte den
rafaga;
Forsa 5 te 6 (31 te 50 km/
ora, 17 te 27 nudo).

Situacion general di tempo:

No ta spera cambio signifi-
cante den e weer cu tin ac-
tualmente. Sinembargo, un
aumento leve
Di humedad por produci
un awasero pasahero y lo-
cal den oranan di marduga
y mainta trempa.

Condicion maritimo/ es- tado di lama:

Na partinan proteje di cos-
ta: keto, rond di 1 pia.
Na partinan zuid: trankil,
entre 2 pa 3 pia.
Na partinan oost te noord-
west di costa: generalmente
modera entre 4 pa 5 pia.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu dolor na nos curason, nos ta participa fayecimento di nos ser stima:



Yolanda F. Webb-Brete

Cariñosamente yama "Mama, Mama bieuw, Mama Aya, Tante Yolanda"
*10-09-1945 - †11-09-2023

Na nomber di su:

Yiunan:

Ivy Webb

Desiree Webb

Soraya Webb

Mescos cu yiu:

Edwira Brete y familia

Carianne Rivero y familia

Nieto y nietanan stima:

Karolyne y Giovanni

Koolman, Kiandra Webb,

Zaylis y Whilmerd Croes,

Shaqion Webb

Bisnieto y bisnietanan:

Kayra Koolman, Gion

Koolman, Zayenne Croes,

Xayvion Kock, Raylinne

Trimon

Mescos cu nieta:

Stefany Maduro, Sheila

Beddo, Belki Jose Pelayo

Rumannan:

†Mario y Elda Brete y familia

Elizabeth y †Adelbertus

Britten y familia

†Ronny y †Helena Brete y

familia

Milda y Lucas Maduro y familia

Greta y Nico Lampe y familia

Edwin y Carina Brete y familia

Rudy y Lourdes Brete y familia

Michael Lampe

Sobrino y sobrinanan:

Elton y Rubiela Lampe y familia

Jeremy y Sobella lampe y

familia

Rayen y Jovanka y familia

Ruthlina Brete y yiunan

Jordan Brete y yiu

Ricky Brete y yiunan

Shirley Brete y yiunan

Ronulfo Maduro y yiunan

Marcelino y Bianca y yiunan

Julaica y Marcial y yiunan

Sheila Maduro

Elvis y Ligia Brete y familia

Mayra y Robert Ras y familia

Mirelfa y Jairo Kelly y familia

Efrem y Elisette Britten y familia

Alvin Webb y yiunan

Joslin Giel y familia

Francis Webb y Astrid

Ihanan:

Fabiola Danies -Thiel, Lisette

Danies-Quihada

Primo y primanan

Amiganan cerca:

Ina Tromp, Elmira

Colmenares

Bisnietanan:

Dennis y Frida de Mei y familia,

Cristian y Dora Mejia

Ex suegra: Clara Maduro

Familia na Venezuela: Pelayo,

Colina, Saloni, Hernandez,

Noroño

Demais familia:

Webb, Brete, Koolman,

Britten, Petrochi, Maduro,

Lampe, Orman, Erasmus,

de Mei, Danies, Giel, Kock,

Trimont, Tromp, Franken,

Semeleer, Rivero, Kelly,

Chiquito, Quant, Silvana,

Luidens, Ras, Croes, Rosina,

Lacé, Jansen

Ta invita pa acto di entierro

cual lo tuma lugar na Misa

Juan Pablo II na Tankileendert,

dialuna 18 di september

2023 di 2'or pa 4'or di atardi.

Despues lo sali pa Santana

Catolico na Noord.

Condolencia lo tuma lugar na

Aurora Funeral Home diasabra

16 di september 2023 di 7'or

pa 9'or di anochi.

Disculpa nos si den nos

tristesa nos por a lubida algun

familia of conoier.

" Señor ta husto y E ta gusta un conducta
cu ta husto.
Hende sincero lo mira su cara"
Ps 11:7

Cu dolor na nos curason, nos ta participa
fayecimento di nos ser stima:



Juan L. Cuba

Cariñosamente yama "Juancho"
*09-07-1945 - †09-09-2023

Na nomber di su:

Yiunan:

Gregory L. Cuba

Calvin L. Cuba y Kathrin Richardson

Vidal Cuba

Aurora

Royal Pray

Funeral Home & Crematory

Nieto(a)nan:

Anaïs

Jordan

Chakian

Jeziene

Nathania

Rumannan:

Vale Cuba

Lola Cuba

Sobrino(a)nan:

Germine, Billy, Melinda, John, Jessica, John John,

Melissa, Prescila, Ghislaine, Raiza, Lee-Ann, Jillian

Primo y primanan, ihanan, sua y cuñanan, amigonan y

conocirnan.

Demais familia: Cuba, Thiel, Richardson, Werleman,
Krist, Vrolijk, Pannefle, Ridderstaat y demais familia.

Ta invita pa acto di entierro cual lo tuma lugar na
Aurora Funeral Home dialuna 18 di September 2023
di 2or pa 4or di atardi.

Despues lo sali pa Santana Central Sabana Basora
Disculpa nos si den nos tristesa nos por a lubida algun
familia of conoier.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Jehova es mi pastor, nada me faltará en
lugares de delicados pastos me hará des-
cansar"
Salmo 23.

Con inmenso tristeza en nuestros cora-
zones anunciamos el fallecimiento de es-
poso amado y padre querido,



Andres Almarracin Acuña

11-08-1956 – 07-09-2023

Esposa: Ana Cruz Mamani

Hijos:

Sebastian Joao Almarracin Cruz

Joshua Andres Almarracin Acuña

Nicolas Alex Almarracin Acuña

Rashid William Almarracin Acuña

Les agradecemos a todos que de alguna u otra forma
hayan compartido con él los momentos felices de
su vida.

La noche de pésame y despedida tendrá lugar el
lunes 18 de septiembre 2023 de 18:00~21:00, Royal
Funeral Home, Cumana 44, Oranjestad, Aruba.

"Señor ta mi wardador, mi'n tin falta
di nada
Den cunucu di yerba berde e ta
ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Henk Stanley Vreeswijk

*21-04-1957 - †14-09-2023

Acto di entierro lo wordo anuncia despues.

Miles di docente Sur Koreano ta protestando pa ley nobo pa proteha nan for di mayornan abusivo

(AP)—Miles di docentenan y personal Sur Koreano a protesta na Seoul diasabra pa mas proteccion legal pa maltrato di mayornan, un problema cu ta creciendo den un pais conoci pa su medio ambiente escolar extremadamente competitivo.

E protestanan den e ciudad capital a ser causa pa e morto di un docente cu a ser descubri morto na e scol primario unda e tabata duna les na juli despues di a reporta angustia emocional causa pa kehonan for di mayornan abusivo. E docentenan protestante, cu tabata demostrando pa varios siman, ta bisa cu leynan actual ta haci'e dificil pa eherce control riba nan klasnan y ta laga nan den e misericordia di mayornan imperioso, ken por facilmente abusa e docentenan di abuso emocional contra nan yiunan.

Legisladornan actualmente ta discutiendo leynan cu por

cumpli cu e demandanan di e docentenan pa inmunidad for di e alegacionnan di abuso di mucha. Pero algun experto a expresa nan preocupacion tocante posibel carganan, bisando cu e propuesta por sigui deteriora proteccion pa muchanan, ken ta ser afecta directamente pa e ambiente hipercompetitivo.

Na sur Korea, pa gradua for di universidad prestigioso ta ser considera crucial pa prospectonan di carera y matrimonio. Segun e datos di e Ministerio di Educacion y e Servicio di Seguro Medico Nacional Koreano provee pa legislado Kim Woni siman pasa, mas cu 820 estudiante di scol primario y secundario a comete suicidio entre 2018 y 2022.

Bisti den preto, miles di docente y personal di scol a ocupa e cayanen cerca di e Asamblea Nacional, cantando slogan y wantando borchis cu tabata bisa: “Duna do-

centenan inmunidad for di e acusacionnan di abuso emocional contra muchanan.” E protestadonan a bisa cu mas cu 9.000 docente a ser reporta pa mayornan pa abuso di mucha den e ultimo ocho añanan.

Polis a reporta cu aproximadamente 20.000 hende a asisti na e protesta di diasabra. Entre e rabia di e docentenan, e gobierno Sur Korean conservativo a lansa un forsa di tarea na comienso di e luna aki pa explora leynan nobo relata na educacion cu lo por refleha e opinionnan di e docentenan den un esfuerzo pa proteha nan for di e acusacionnan di abuso di mucha.

E Ministerionan di educacion y husticia a acusa e gobierno liberal anterior pa politicanan di empleo cu “ta sobre-enfatiza e derechonan di muchanan,” cual segun nan, a causa un aumento di “reportahenan di abuso di mucha no hustifica.”



Polonia ta impone prohibicion di EU riba tur auto di pasahero registra na Rusia

(AP)—Polonia a cuminsa implementa un prohibicion di Union Europeo (EU) riba tur auto registra na Rusia buscando pa drenta e pais—e movimiento mas recien den un serie di sancion riba Rusia como castigo pa su guerra contra Ucrania.

Bao di e decision aki, vehiculonan di motor registra den e Federacion Ruso no ta permiti pa drenta den e teritorio Polaco. “Un auto registra na Rusia no tin derecho pa drenta Polonia”, segun e minister di asunto interior, Mariusz Kaminski, a bisa diasabra, anunciando e prohibicion cu a tuma afecta den oranan di marduga diadomingo mainta.

“Esaki ta un otro elemento di e sancionnan imponi riba Rusia y su ciudadanonan den conexion cu e guerra cruel na Ucrania, debi na e hecho cu e Estado Ruso ta sigui constitui un menasa pa seguridad internacional,” Kaminski a bisa.

E decision aki ta bin algun dia despues cu e Estadonan Baltico di Lithuania, Latvia y Estonia a prohibi vehiculonan



cu licencia Ruso pa drenta den nan teritorio—un decision conhunto den cuadro cu un interpretacion recien di e sancionnan di EU riba Moscu.

Polonia y e Estadonan Baltico ta entre varios pais Europeo cu ta critico di Rusia y Presidente Vladimir Putin.

Diamars, Dmitry Medvedev, e vice-hefe di e Consejo di Seguridad di Rusia, di cual su presidente ta e presidente Ruso mes, a denuncia e decision di e Comision Europeo como racista. El a sugeri cu Moscu por ataca back por medio di suspende conexionnan diplomatico cu e EU y retira su diplomatonan for

di Brussels. Polonia ta comparti un frontera cu e teritorio Ruso di Kaliningrad, cual ta un exclave separa for di e pais continente Ruso. E agencia di Guardia di Frontera a bisa cu e prohibicion lo ta mescos, no importa cual frontera e vehiculonan ta purba di crusa. Ademá di Kaliningrad, Po-

lonia ta comparti frontera cu Belarus y Ucrania. E website di e Guardia di Frontera a bisa cu e autonan Ruso “lo ser debolbi na e pais di unda nan a bin, no importa di e ta Rusia of un otro pais. Accionnan asina lo ser conduci hasta si e chauffeur di e auto no ta un ciudadano di e Federacion Ruso.”

FOODSTOCK

STREET FOOD FESTIVAL & BLOCK PARTY FOR CHARITY



FOOD MUSIC FUN

SAVE THE DATE

CMB
MAIN
BRANCH

OCT.
14, 2023

TIME
6:30 PM TO
9:30 PM

SPECIAL
ANNOUNCEMENT
FOR ALL CMB
CUSTOMERS



Entrada
Afl. 15.00

Entrada ta inclui 2 item na e Street Food tent di bo gusto, 1 item di dessert y 2 bebida (soft drink of cerbes) cortesia di Tropical Bottling Company.



TUR FONDO RECAUDA LO BAI NA BENEFICIO DI VICTIMANAN DI VIOLENCIA RELACIONAL